

JEHOVA-JAYIRA ³

 Ngiyabonga, Mnaketfu Borders.

Ningahlala phansi. Kuba nenhlanganyelo nje neMnaketfu Harrel, sihlalo walomhlangano, nekutfola kutsi usitfunywa senkholo, futsi sitsi kuba netintfo lesihlanganyela kuto. Ubuyela emuva manje eGold Coast, e-Africa. Futsi ngihlose kuba lapho kulomnyaka. Futsi besitama kutfola lokutsite ndzawonye ngekuvakashela enhla eGold Coast emvakwekubuya eNingizimu Africa.

² Kulapho la sibenaloyo, lengicabanga kutsi, lomunye wemihlangano lemikhulu kunayo yonkhe, elusukwini lwami, wawuseNingizimu Africa, ngesikhatsi sibone tinkhulungwane lettingemashumi lamatsatfu tebemdzabu labambatsa tingubo bemukela Khristu ngesikhatsi lessisodvwa. Amen. Bebacela kutsi bephule tithico tabo emhlabatsini, kutsi bebakucondzile mbamba. Futsi bephula tithico tabo, njengesiphepho selutfuli sikhuphuka, futsi bemukela Khristu njengeMsindzisi wabo, emhlanganweni munye. Bebanekulandzela lokuhle lapho, ngako-ke ba—bababamba.

³ Kodywa kubitela e-altari lokukhulu kunako konkhe lengikukhumbulako, kweNkhosi isipha kona, kwakuse... kwakungesheya eNdiya, lapho sasibe cishe nemakhulu lasihlanu etinkhulungwane emhlanganweni munye. Futsi lapho tsine-tsine asikhonanga nje kulinganisela; ngangekubona kwakho nje, kwakusendzaweni yonkhe nje. Futsi bonkhe bemukela Khristu njengeMsindzisi, kodywa kungekho naleyodvwa intfo lengalandzelwa ngako. Ngako ngako-ke, kusobala, e—emaSikh atsatsa kwavo, emaJain atsatsa kwavo, nalokunye nalokunye. Ngiyacabanga kutsi labanengi babo babuyela emuva, ekuboneni lokutsite iNkhosi lekwentako futsi ikuveta lapho.

⁴ Inkonzo yami iNkhosi lenginika yona, eMerica ayisebenti kangako, bantfu bePhentekhostali nje. Linengi lemabandla aseMerica angemabandla lahlakaniphe kakhulu, futsi akholwa sivumokholo. Futsi nje kulapho nje labahlala khona, angeke ubasuse kuso.

⁵ Kodywa uma utsatsa wemdzbabu futsi utame kumtjela intfo letsite ngesivumokholo, akati ngisho nekutsi ngusiphi sandla sekudla nesangesancele. Kusita ngani kumnika incwajana na? Utofanele *abone* lokutsite. Futsi lapho akubona, khona-ke uyakholiseka. Futsi ubone inyanga-mtsakatsi yakhe isukuma futsi ikuphonsela insayeya, futsi ubone Moya loyiNgewe akwehlisa khona lapho. Ya. Khona-ke loko-loko kuyakukhombisa, kutsi Nkulunkulu unguabani, futsi khona-ke kuyakucatulula.

Futsi ngijabule kakhulu kuhlangana neMnaketfu Harrel! Bengi... Besikhuluma ngebemdzabu base-Africa. Bekakhuluma ngekusekela ngetimali munye waMnaketfu T. L. Osborn.

⁶ Labanengi benu bayamati uMnaketfu Osborn, ngiyacabanga. O, kukhona inceku leligugu yaKhristu, uMnaketfu Osborn. Ungulomunye webangani bami sibili. Impela nginekuhlonipha kwekutifoba lokujulile enhlitiyweni yami ngeMnaketfu Osborn, sitfunywa senkholo lesikhulu kakhulu. Kuya e... Ngiyakholwa wente lokunengi emasimini emamishini kunanoma ngubani losemhlabeni namuhla, lengimatiko, ngu–nguMnaketfu Osborn. Lonemoya lomuhle kakhulu, umfana lokahle, futsi ngiyamtsandza impela uMnaketfu naDzadze Osborn.

⁷ Bangitjela kutsi Make Arganbright usemhlanganweni kusihlwa. Uyangibhacela, Make Arganbright na? Impela ngiyasitsakasela sitselo sakho lesihle. Futsi akumangalisi angudzadze lomcane lomuhle kakhulu, uvela ngakulencenyelive lapha. Uhlala njalo akhuluma ngeGrass Valley. Bangakhi lomatiko uMnumz. naNkkt. Arganbright, ngaseGrass Valley na? Yebo-ke, loko kulungile. Ukuphi, Make Arganbright na? Angikaze ngikubone sikhatsi lesidze kakhulu, ushelelile... Nanguya. Yebo. Ayibusiswe inhilitiyo yakhe. Likhaya lakhe lilikhaya lami lesibili, wesifazane lomangalisako khona lapha eGrass Valley. Futsi Make Arganbright, uma lobu kubusuku bakho bekucala lapha, bengingephandle emahlatsini ngikhuleka namuhla ngesikhatsi uvakashele umkami nabo. Futsi ngiyacolisa bengingekho kukubona, nekuhlangana nemngani wakho.

⁸ Kodvwa ngitawutsi ngikubonile lokutsite kwenteka emkhatsini webantfu bakho lapha lengingakaze ngikubone kunoma nguliphi lidolobha laseMerica nomakuphi. Ngiwabonile emaKhristu avuma kutsi aneliphutsa, eVini laNkulunkulu, futsi eme acele umusa. Ya. Loko kuvakala kimi kwangatsi imvuselelo ingachuma lapha. Kungaba simanga. Njengoba nje ngishumayele umhlabo wonkhe, futsi ikakhulukati eMerica, angikaze ngibone phambilini, emacembu emaKhristu, ngesikhatsi Livi lehliswa, kubonisa Livi, baphakama futsi batsi (bafakaza) bebaneliphutsa. Hhayi loko kuphela, kodvwa bafundisi kanye nabo. Manje, lobo bucotto. Ngiyakutsandza loko.

⁹ Dzadze Arganbright, njengaloku bakusukumisile, ngitohlaza umkami. Ungumunfu lonemahloni kakhulu eveni. Kodvwa uhleti lapha kusihlwa. S'thandwa, ngiyakholwa utongibhadalisela loku, kodvwa ngitocela umkami kutsi asukume. Wesifazane lomuhle kunabo bonkhe emhlabeni wonkhe, kimi. [Libandla lishaya tandla—Umhl.]

¹⁰ Intfombatane yami, indvodzakati yami, indvodzakati yami lendzala kunawo onkhe, Rebekah. Manje, s'thandwa, ngiyati ushiswe lilanga, kodywa ngifuna usukume, nomakunjalo. Kulungile, Rebeka. Leyo yindvodzakati yami, Rebekah. [Libandla lishaya tandla—Umhl.] Ngiyabonga. Ngiyabonga.

¹¹ Mnaketfu Jewel Rose, bangakhi lomatiko? Ngalobunye busuku waletsa umkami ngembili lapho ngangikhona, emvakwekuba kwase kuvele kucaliwe. Wacishe waculeka. Uyamshalatela yonkhe indzawo lapho angambona khona. Uyadeda endleleni yakhe, ngoba uyesaba kutsi utombitela ngembili futsi.

¹² Ngimtjelile, “Ngalobunye busuku ngitokusukumisa futsi usikhulumele sikhashanya.”

¹³ Utsite, “Lungisa libhakede lemanti, ngoba ngitoculeka.”

¹⁴ Ungumunfu lotsandzekako kakhulu, umkami. Uma kukhona noma ngukuphi kubonga lofuna kukuniketa emndenini wakaBranham, akuye kuye. Nguye lomile emkhatsini wami nesive. Nato tonkhe letintfo letentiwe kahle, ukwentile.

¹⁵ Ngiyetsema kutsi yonkhe insizwa lapha, nase ishada, itotfolia umfati, futsi nitohlala ngekujabula ndzawonye njengemfati futsi nginaleminyaka lengemashumi lamabili nakubili sishadile.

¹⁶ “Lowo lotfole umfati, utfole intfo lenhle.” Njengoba Solomoni atsi, “Wesifazane lolungile uligugu emchele ni wendvodza. Longakalungi ungemanti engatini yakhe.” Futsi umtsambo wakhe wengati ukuphila kwakhe. Ngako-ke, longakalungi uyintfo lenhle kutendlula tonkhe langayitfola. Futsi lolungile uyintfo lenhle kutendlula tonkhe langayitfola, ngaphandle kwensindziso. Kube Nkulunkulu bekanganiketa indvodza intfo lencono kunemfati sibili, Abengamnika yona, ngoba Nkulunkulu uniketa bantfwana baKhe nje tintfo letinhle. Futsi Wamnika umfati, futsi ngiyabonga ngako.

¹⁷ Futsi kubona besifazane, lapho ngitsi kusika ngalobunye busuku, ngemBhalo ngendlela laba besifazane bePhentekhostali labagcoka ngayo, balungisa tinwele tabo, nekuhamba. Wena utsi, “Loko akwenti mehluko.” Impela kuyawenta!

¹⁸ Ngifuna kunibuta lokutsite. UMnaketfu Harrel ulapha, sitfunywa senkholo.

¹⁹ EDurban, eNingizimu Africa, kwakunebesifazane bahleti lapho bangcunu nje njengoba befika emhlabeni; bangazange nje sebbebe nesichibi sempahla, lokuncane, nje cishe lamane-, ema-intji lasitfupha emchele ngembili kwabo. Futsi beme lapho bangcunu njengoba bebanjalo, futsi bemile emhlabatsini ngemuva kwekuba lesimangaliso lesimangalisako sasentekile ngembili. Futsi kwakukhona kulelocembu, kwakucishe kube tinkhulungwane letilishumi tebakaMohamed (ngasikhatsi

sinye) labemukela Khristu kulowo mhlangano lofanako. Futsi khona-ke ekhatsi lapho...Laba besifazane, bemile nalamadvodza, bemukela Khristu.

²⁰ Futsi uMnaketfu Bosworth watsi, "Mnaketfu Branham, ngikholwa kutsi bewufanele wente loko kubita futsi. Ngiyakholwa bebacondze 'kwenyama' kuphiliswa."

²¹ Ngatsi, kusobala, bahumushi labalishumi nesihlanu labehlukene. Uyati, kutsatsa...Ufanele ukubhale phansi lokushito, ngesikhatsi bona...Utsite, "Jesu Khristu, iNdvodzana yaNkulunkulu, wefikela kusindzisa toni." Futsi lona utotsi "blu, blu, blu, blu," futsi lona atsi "nxi, nxi, nxi, nxi," lowo ngu "Jesu Khristu, iNdvodzana yaNkulunkulu."

²² Niyati, nga—ngangivamise kuva bantfu bakhuluma ngetilimi, futsi ngacabanga, "Hhe, loko akusikahle." Kodywa liBhayibheli latsi, "Awukho umsindvo longenanchazelō." Awukho. Nangiva loko, labanye babo bakukuta njengetinyoni, labanye banswininita njengemabhungane, nayo yonkhe intfo. Kodywa kusho inchazelo kubo, uma wonkhe umsindvo wawuyinchazelo.

²³ Futsi ngesikhatsi kuhamba kwendlula futsi, futsi ngatsi, "Yebo-ke, khona-ke akutsi labo manje labatiko impela kutsi akusiko kuphilisa 'kwenyama', kwemukela Khristu njengeMsindzisi, liZulu litofanele lihambe, niyakholelwā eNdvodzaneni yaNkulunkulu, yeMukeleni njengeMsindzisi locondzene nani, phulelani tithico tenu emhlabatsini!" Futsi batiphonsa phansi. Ngase ngitsi, "Khona lapho manje, phakamiselani tandla tenu kulowoNkulunkulu, futsi niMniike ludvumo. Utoninika Moya loyiNgewe!"

²⁴ Futsi lapho ngisemile kulowomhlabatsi, ngabona besifazane lebebangcunu ngcu; futsi kwatsi nje Khristu angabashaya, basuka kuleyondzawo phansi netandla tabo tigociwe. Futsi lapho nase uphindza ubabona futsi, bebabetse timphahla.

²⁵ Manje, uma Khristu atokwenta lihedeni (lelingcunu) licondze kutsi lineliphutsa, ngekuba ngcunu, bese-ke besifazane labatisho kutsi bangemaKhristu futsi minyaka yonkhe bakhumula lokunengi, angikucondzi. Kukhona lokutsite lokuliphutsa ndzawanatsite.

²⁶ Lihedeni lucobo, lime lapho nje, litalelwē kulelive futsi lingakaze lati kutsi belingcunu, alati kutsi lingcunu. Kodywa akutsi Khristu angene ebukhoneni bakhe, uyacondza kutsi ungcunu, kakhulu ngangekutsi utama kutimbonya ngako konkhe langakwenta, kugoca imikhono yakhe futsi esuke ahambe. Letimbili noma tinsuku letintsatfu kamuva, utomtfola futsi, sewembetse.

²⁷ Manje kukhona lokuliphutsa ndzawanatsite, futsi ngineliciniso akukho ngaKhristu. O, ngicabanga kutsi Livi liphelele!

²⁸ Ngiyalutsandza nje luhambo lwa-Abrahama. Anilutsandzi yini nine? [Libandla litsi, "Amen."—Umhl.] Ngihlala nalo sikhatsi lesidze, ngiyetsema ngifinyelela ku *Jehova-Jayira* kusihlwa. Ngitsetse lesihloko, busuku lobutsatfu noma lobune lobendlulile, kepha angikaze ngifike kuko.

²⁹ Kodvwa umnyaka munye ekhaya ngatsatsa sihloko, ngishumayela ngaJobe. Yebo-ke, cishe umnyaka ngangiseNcwadzini yaJobe, njalo ngeliSontfo nangaLesitsatfu, kuJobe. Futsi ekugcineni ngamvusa waze wahlala endvundvumeni yemlotsa. Ngaba naye lapho cishe emaviki lamatsatfu noma lamane. Futsi lomunye—lomunye dzadze loligugu anesibindzi lesenele kungibhalela, watsi, "Mnaketfu Branham, utoke umsuse nini Jobe kulendvundvuma yemlotsa?"

³⁰ Yebo-ke, ngiyacabanga niyatibuta kutsi ngitoze ngimsukumise nini Abrahama kubona *Jehova-Jayira*.

³¹ Kodywa engineliphuzu. Abrahama...Noma, Jobe ahleti lapho endvundvumeni yemlotsa, Elihu akhulumu: Nkulunkulu avivinya longcwele. Ngakungenisa konkhe, ngaze ngefika endzawaneni lapho ngingenta khona kudubula lokubulalako, ngalungisa yonkhe intfo. Yase-ke iNkhosi iyehla ngalesihhushuhushane, nemibane icala kumanyata, nemidvumo iyadvuma. Futsi uMoya waNkulunkulu wehlela etikwemprofethi, wema ngetinyawo takhe, watsi, "Ngiyati uMhlenyi wami uyaphila;" bukani u "Mhlenyi." "Futsi etinsukwini tekugcina Uyokuma etikwemhlaba. Futsi noma emvakwekuba timphetfu tesikhumba tibhubhisa lomtimba, noko enyameni yami ngiyombona Nkulunkulu; Lengiyombona mine lucobo, emehlo ami ayombona, hhayi lomunye." O, sifundvo lesingaka lapho! Kushayela loko kungene, kutsetse sikhashana kutfolo bantfu bonkhe bahlaliwi, uMoya kahle nje, bese-ke uyakushayela. Bese kutsi-ke li-altari lalinemalayini futsi ligcwaliswe ngebantfu, baphendvuka.

³² Uma nje uholwa nguMoya, tsatsa sikhatsi sakho nje ute ucondzaniswe ngco. Awunakwenta, utodubula etulu kakhulu noma utodubula khashane kakhulu, noma lokutsite. Asikwente kucondzane, liBhayibheli! Ngiyakholwa kutsi Nkulunkulu ufunu sicondzaniswe ngco. Moya loyiNgewe weacondzaniswa ngco nebaphostoli, noma bacondzaniswa ngco naMoya loyiNgewe, njalo. Futsi ngiyakholwa singenta intfo lefanako, ngeLivi lelifanako. Kukutsi shaya inkoyoyo! Futsi uma kukushaya kanye, emkhatsini ngco, kungaphindze kukushaye futsi! Kodvwa utofanele ucondzaniswe ngco! Ciniseka kutsi kuphefumula kwakho, kudvonsa kwakho, yonkhe intfo ilungile nje. Ngidubula tinkoyoyo; ngiyati kutsi kuyini, kubeka emcudzelwaneni, nesibhamu lesikhulu lesitocondzaniswa ngco.

³³ Ngalesinye sikhatsi ngabuyisela luhlobo lwe seventi-fayifi lencane eNkampaneni iWinchester, ngalelinye lilanga. Futsi

ngangingakhoni kusenta sishaye ngetulu cishe lokutsatfu... noma ikota yeli-intji, emayadini langemashumi lasihlanu. Futsi iNkapane iWinchester yasibuyisela kimi, yatsi, "Mfundisi Branham, lesosibhamu sentelwe kuphela ku—kuhlanganisa kudubula kasihlanu lokuhlangene, li-intji emayadini langemashumi lamabili nesihlanu." Manje leyo kwakuyinkapane leyasenta. Ngati lokwehlukile. Ngavele ngashayela, emgceni, kucondzisa ngco, letiyimfica leticondzile, tipikili te-khaphethi, emayadini langemashumi lasihlanu, ngaso. Ngako-ke ngatile sasicondzaniswe ngco. Ngako-ke ngangisolo ngidlala ngaso, futsi ngidlala ngaso, ngaze ngadzingeka ngisishayele sibuyelete emuva futsi.

³⁴ Manje, intfo lefanako ingeLivi laNkulunkulu. Letotintfo labo baphostoli labatenta, letotintfo Khristu latetsembissa, sitofanele sicondzaniswe neLivi, naMoya. Uma kwakwenta kanye, kutophindza futsi, ngoba NguNkulunkulu. Futsi Nkulunkulu uLivi, futsi Angeke ehluleke.

³⁵ Uma kunganyakati lokutsite, sibhamu siceka kakhulu ngalenddlela emkhonweni, kuceka lokuncane noma kucina kakhulu, nomayini lekubophako, ungabeka sisindvo semuno wakho esibhamini, futsi (sidubula ngalokuphelele) sisindvo semuno wakho siyokulahla. Ufanele ubo nako konkhe kuphelele.

³⁶ Nguleyondlela lokufanele wente ngayo ebuKhristwini, kwenta Livi, ulente libonakale futsi lisebente kahle, wena lucobo neLivi nangaNkulunkulu, kutofanele kuphelele, futsi khona-ke kutocondzana. Kutofanele kube njalo! Ngako-ke, ekushumayeleni, ufanele uve uMoya kahle nje, bese kuba kucondza; kutosuka kuhambe, kutohamba kuye enkoyoyweni.

³⁷ Khona-ke bantfu bahleti batungeletile, tikhatsi letinengi bantfu batsi, "Mnaketfu Branham, angiva ngemihlangano yakho."

³⁸ Anginato tindzawo tekudayisa njengalabanye banaketfu. Banemaphephabhu, bane—banemsakato, mabonakudze. Ngivele ngihambe nje ngendlule futsi ngitame kumelela iNkhosi Jesu. Bantfu bayakubona, bayakukholwa, bayasindza. Nkulunkulu uyakwati, nguloko kuphela lokubalulekile. Niyabona na? Tsine asikwenti, asisiko... Angeke kube nemlandvo lobhaliwe. Ungakhatsateki ngaloko. Angekesibekhona sikhatsi sekubhalwa kwemlandvo. Ngiyakhholwa Jesu uyeta. Loko, ngiyakukholwa. Futsi ngifuna kuphila namuhla kwangatsi Utotika namuhla noma kusasa. Cha hhayi tikolwa letinkhulu kakhulu, nakanjalonjalo. Sentani ngaletotintfo, bese-ke sishumayela kutsi Jesu uyeta na? Ngani, imisebenti yetfu lucobo ifakaza ngekuphikisana natsi. Kulungile. Jesu uyeta, asibe, sente libandla likulungele! Asitilungiselele. O, ngiMtsandza kanjani!

³⁹ Asikhotsamise tinhloko tetfu manje sentele livi lemkhuleko. O, ngitsandza kanjani kubona bantfu lapho ngenhloniphoyekutifoba bakhotsamisa tinhloko tabo. Manje asihlale sithule kwesikhashana, futsi sidadishe. Manje sifuna kutsatsa sikhatsi setfu. Kusasa liSontfo, lisabatha, lusuku lwelisabatha IwemaKhristu. Futsi angifuni nephute kufika kuSontfo sikolwa, naloku nje singafuni kuphutfuma ngaletintfo leti.

⁴⁰ Cabanga manje, "Nkhosi, sifiso sami enhlitiywani yami kusihlwa ngekwentsandvo yaKho na?" Uma kungiso, khona-ke ucabanga ngaso. Khona-ke uma ucabanga ngaso, sifiso sakho, futsi usihlole ngeluhlelo lwaNkulunkulu. Uma kubonakala kulungile nje ngekweluhlelo lwaNkulunkulu, khona-ke ngifuna kutsi uphakamisele sandla sakho kuNkulunkulu, futsi utsi, "Nkulunkulu, ngikhumbule, nguloku lengikudzingako." Cabanga nje kamatima impela. Nkulunkulu akubusise. Kuhle. INkhosi ikubusise. Loko kuhle. Chubeka nje uphakamise sandla sakho. Utibona tonkhe. Wati tintfo tonkhe. Loko kuhle. Nkulunkulu anibusise. Amen. INkhosi ibusise. Loko kuhle. Chubeka nekucabanga, uphakamisa sandla sakho. Manje ngibuke sandla ngasinye lapho siphakama. Kulungile. Loko kuhle.

⁴¹ Babe loseZulwini, siyeta manje, siyasondzela futsi kuleloGama lelelele konkhe leNkhosi Jesu, etulu eSihlalweni sebukhosi seMusa. Njengoba imbongi yatsi, "Akutsi mine eSihlalweni sebukhosi seMusa, ngitfole kukhululwa lokumnandzi." Futsi, Nkulunkulu, tinhltiyi tabo tikhatsalele lokutsite. Futsi bavumele manje, eSihlalweni sebukhosi seMusa, batfole kukhululwa Nkulunkulu labakhululela kona, iNyanga lenkhulu, nekukholwa kwaloko labakudzingako.

⁴² Ngiphakamise tandla tami totimbili. Nginetidzingo. Ngikhumbule, Nkhosi.

⁴³ Khumbula bonkhe labantfu laba lapha kutsi lamaduku lawa labamelele. O, bungene kanjani bufakazi ngenca yaletintfo leti. Inhloniphoyekutifoba. Le ngaphandle ngale kwalamagcuma esihlabatsi lapha, ndzawanatsite, bomake labagulako, bobabe, tinswane letincane, bantfu esibhedlela, babe lomdzala loyimphumphutse ahleti emuva egumbini lelincane nendvuku yekudvondvolotela lemhophe esandleni sakhe, alindzele kubuya kwalamaduku. Nkulunkulu, bani nesihawu. Siphe, Nkhosi, kutsi nomangubani labekwa etikwakhe, kwangatsi sitsa singalahlekelwa ngemandla aso nekucina, kwangatsi bangahamba futsi baphiliswe. Naku kunye lokubhalwe lapha, "umdlavuza." Akutsi lowodeveli abakhulule, Nkhosi. Kwangatsi Moya loyiNgcwele, lapho Nkulunkulu asabuka phansi ngeNgati yeNdvodzana yaKhe luCobo leyafela lenhloso, kwangatsi kubuyisana lokukhulu kungenela kusihlwa, nekukholwa kugelete ngebunengi etikwabo, futsi kwangatsi... noma ngebunengi, kutsi bangahle bemukele kuphiliswa kwabo. Siphe kona, Nkhosi.

⁴⁴ Busisa Livi laKho manje. Sita inceku yaKho, sigcobele inkonzo. Gcoba yonkhe inhlitiyo levako. Futsi sitokhulumma nje manje, Babe. Sitjele kutsi sitsini, futsi sitjele kutsi senteni. Silindzele Wena kutsi ube natsi emhlanganweni.

⁴⁵ Ngiyakubonga ngaletingoma letimnandzi kusihlwa, lawomaculo lamahle. Lensizwa emuva lapha, uMnaketfu Heimer, uhlabele leloculo lelimangalisako, *UmGalile*. Kwangatsi lowoMfokati waseGalile angangena manje kusihlwa. Kwangatsi singeva liphimbo laKhe lisho engcondvwensi lekhatsatekile, njengoba. Enta emantini bekatanyatanyiswa, “Kuthula, unganyakati.” Futsi kwangatsi yonkhe inhlitiyo lekhatsatekile ingaphiliswa. Sikucela eGameni laJesu. Amen.

*Futsi yena wacamba ligama lalendzawo ngekutsi
yiJehova-jayira: njengaloku kubhaliwe, Entسابنی
yenKhosی kuyobonelelwı.*

⁴⁶ Manje sifuna kucala ngalomlingiswa lomkhulu. Futsi kusasa... Manje, uma iNkhosi itsandza, sitotama kufika ekugcineni nga-Abrahama kusihlwa. Futsi kusasa, mhlawumbe sihloko ekuphiliseni kwaNkulunkulu.

⁴⁷ INkhosi ibe yinble kitsi lapha. Besisolo siva bufakazi baletotintfo letentekile. Futsi ngijabule kakhulu! Futsi sibe nebusuku banye, lilayini lemkhuleko lophelele, noma ngababita. Futsi bekungekho namunye lobutsaksaka lesimbonile esakheweni, esitulweni lesinemasondvo, nomakuphi, ngaphandle kwalowo lobekemile, ahamba atungeleta, ahamba.

⁴⁸ Futsi manje busuku ngabunye Moya loyiNgeweule ufikile wangena ebucwaticwatini baKhe, eBukhoneni lobunesitfunti, futsi uphumile wadzabula etetsamelini, atimemetela Yena lucobo, kutsi Ulapha. Khona-ke, besifanele siMkholwe. Niyabona, Ufuna niMkholwe. Kuhlonipha lokuphakeme kunako konkhe lobewungabhadala ngako Nkulunkulu kuMkholwa. Ufanele ukholwe. “Lowo lota kuNkulunkulu kumele akholwe kutsi Unguye.” Futsi manje Mkholve!

⁴⁹ Futsi njengoba ngitsatsa Abrahama, luhambo, kungenca yekutsi nje ngitama kwakha kukholwa ngentele sicongo lesikhulu, kuvumela bantfu babone kutsi babobani.

⁵⁰ Nguleyo inkhatsato. Ngitfola tigaba letimbili tebantfu, lapho ngisahamba. Lesinye sato yiphentekhostali, lesinye locavile wemtsetfo. Manje, locavile wemtsetfo ngekwendzawo uyati kutsi bakuphi, kutsi bayini, kodvwa abanako kukholwa ngako. Iphentekhostali inekukholwa, kodvwa abatati kutsi babobani. Manje, kufana nje nendvodza lenemali ebhange, kodvwa ayikwati kubhala lisheke; kantsi lenye ingalibhala lisheke, futsi ayinayo imali ebhange. Uma bewungavele nje ubahlanganise ndzawonye, lokutsite bekuyokwenteka. Utfola lukholo lwephentekhostali nemfundziso lecavile yemtsetfo, uma bewungake... noma ekhatsi kwekutsi utfola imfundziso

lecavile nelukholo lwephentekhostali, intfo letsite itokwenteka. Kunjalo.

⁵¹ Manje, ngingatsanza kanjani kuniketa bufakazi lapha, ngesikhatsi ngibone, sikolwa semaLuthela, emakhulu lamane emukela uMbhabhatiso waMoya loyiNgcwele ngesikhatsi ngisakhulumu nabo ngawo. O, hhe, kwakukubonakala lokukhatimulako, kubatisa loko. Abasibo, ngoba bangemaLuthela, lababalelwa ngaphandle.

⁵² Akukho lutfo lolumelene nemaLuthela, emaBaptisti, emaMethodisti, noma ngabe uyini, iKhatolika. Angikamelani naletotintfo. Angikamelani nalabobantfu. Yinchubo lebabambako, nguloko lengikhuluma ngalokumelene nako. Akukho lutfo ngekumelana nemuntfu ngamunye, bonkhe batidalwa letibantfu Khristu latifela; iKhatolika, umJuda, noma ngabe angaba yini. Yinchubo. NjengewakaMohamedi, emaSikh, Jain, noma kungaba yini, ngulenchubo. Buda yinchubo, niyabona. Hhayi bantfu laba—labakhonta Buda; ngulenchubo lebadvonsako ibasuse.

⁵³ Leyo yintfo lefanako. Jesu bekangakamelani nebantfu. Wabafela nje. Kodvwa letotinchubo letatiMvimbela, tibavimbela kuYe. Nguleyonfo manje.

⁵⁴ Manje ngicabangile, ekutsatseni Abrahama, ngati kutsi kwakuku-Abrahama setsembiso lesaniketwa, neNtalo ya-Abrahama emvakwakhe. Manje ake sihambe sibuyele emuva kancane futsi sitfole sendlalelo, futsi site kusihlwa esihlokweni ngco manje kwesikhashana.

⁵⁵ Nemakhadi ekukhulekelwa atoniketwa kunoma ngubani lofuna kukhulekelwa. Futsi tsine, uma ungabatfoli bonkhe kusihlwa, sitobatfola kusasa. Futsi noma ngubani lofuna kukhulekelwa ufanele abe nelikhadi lekukhulekelwa. Futsi ube lapha nase igabence insimbi yekucala kusasa, kutotsatsa likhadi lakho lekukhulekelwa, ngoba sifuna kucala umhlangano ngalesosikhatsi. Futsi sitokhulekela wonkhe umuntfu lophetse likhadi lekukhulekelwa kusasa. Besitama, busuku bonkhe, kutfola labo labangenawo emakhadi ekukhulekelwa, kuze labo labanemakhadi ekukhulekelwa batoba nenhlanhla yekuba selayinini lemkhuleko. Futsi lalabanye babitwe ngephandle lapho, ngaphandle kwemakhadi emkhuleko. Loko kutitfola totimibili, tinhlangotsi totimibili. Likhadi lemkhuleko alisho lutfo. Kodvwa unika umuntfu likhadi lekukhulekelwa, kukhona cishe emaphesenti langemashumi lamane ekuphiliswa khona lapho, nguwe locabanga kutsi uyeta wendlula elayinini; intfo letsite langayibamba, intfo letsite langayibuka, noma intfo letsite. Futsi u—umfana utokhipha emakhadi ekukhulekelwa kusasa nase igabence insimbi yekucala, ngako-ke angahle abe sekangasekho ngensimbi yesibili, ngako konkhe kweti—kwetifundvo telusuku bayakutfola.

⁵⁶ Futsi nine lenifuna sitfombe, incwadzi, noma itheyiphu, nifanele niyitfole kusihlwa. Akutsengiswa ngeliSontfo; asikuvumeli loko, kuwatsengisa. Siyalihlonipha liSontfo, ungatsengisi nhlobo ngeliSontfo. Futsi letincwadzi leti netintfo, atisilutfo kimi, titincwadzi bantfu labatibhalile ngenkonzo yami. Titfombe leto i-American Photographer Association yatfwebula lesitfombe, futsi seDouglas Studio, lilungelo lemtsetfo. Lencwadzi yeMnaketfu Gordon Lindsay neMfundisi wasemasotjeni Julius Stadsklev. Siyatitsenga futsi sitiletse emhlanganweni, bese sitsengisa cishe ngaloko lesititfole ngako, futsi silahlekelwe kuto. Futsi sihlale shisho loku, uma nomayini... Ngibatjelile bantfu labadayisa tincwadzi, "Uma wesilisa noma wesifazane akhuphukela lapho, umuntfu lotihluphekkelako, akanamali yekutsenga leyoncwadzi; baniketeni, nomakunjalo. Futsi sito... ngitobona kutsi loko kuyanakekelwa." Futsi uma unenewadzi futsi ayikakufaneli loko lefanele ibe ngiko, yibuyise. Akuyuze kwaba ngisho nayinye letobuyela mahhala kodvwa kukubuyisela imali yakho, niyabona. Kuyintfo letsite nje yekusita kukholwa kwakho. Nguloko kuphela lesitama kukwenta ngako, noma besingeke sikuvumele kutsi kube lapha. Kunjalo impela. Ngako-ke manje kusihlwa, khumbulani, titobe tisetafuleni letincwadzi. Umngani wami lolungile, uMnumz. naNkkt. Wood. Ngifisa kwangatsi benginesikhatsi kunitjela bufakazi babo, bekutsi indvodzana yabo yaphiliswa kanjani vendle. Naletinye tintfo letinengi te-tentekile, kwebantfu labalapha emhlanganweni.

⁵⁷ Manje asendlalele Abrahama. Kwekulala, Nkulunkulu wahlangana na-Abrahama, ngalokungenambandzela, sivumelwano Lasenta na-Abrahama. Kungekho lutfo nhlobo; Abrahama bekangeke ente lutfo ngaphandle kwekulholwa nguNkulunkulu. Sivumelwano sasingebumsulwa ngemusa, futsi akunambandzela. Hhayi kutsi "uma utsanza." Nkulunkulu watsi, "Nginako!" Futsi manje wonkhe umuntfu... .

⁵⁸ Khumbulani, yonkhe iNtalo ya-Abrahama leyake yeta kuNkulunkulu, ita ngendlela lefanako. Akukho lutfo longalwenta! Angeke utisindzise kungekho ngetulu kwekutsi ungatsatsa emabhandi elibhudzi lakho futsi ugcume ngetulu kwenyeti. Angeke utisindzise. Akekho umuntfu lowake wafuna Nkulunkulu; nguNkulunkulu lofuna umuntfu. "Aningikhetsanga Mine," kwasho Jesu, "Nganikhetsa."

⁵⁹ Kwekulala, manje, bewungaphumela lapha futsi utjele ingulube kutsi ineliphutsa, ngekutsi idle sidlwadlw na? Itokutjela kutsi unake tindzaba takho. Kodvwa bekutodzingeka itsatse lokutsite lobekungantjintja imvelo yayo, kuyenta icondze kutsi ineliphutsa. Intfo letsite kumele yenteke enguluben, kucala.

⁶⁰ Kungalesosizatfu lowo lotibita ngemaKhristu tikhatsi letinengi babbhucuta eludzakeni, emuva esonweni, kungoba... .

Ungayigeza ingulube, futsi upende tingalo tato, ufake kwekugcobia tingalo eludzebeni lwemlomo. Loko, loko akusikahle, nomangabe kuyini. Pende wekupenda umlomo, akusiko, noma lokutsite na? Ngiyakutfola loko, tonkhe letotintfo, ticutjanisiwe. Niyati kutsi kuyini, noko. Ufaka ingulube lendzala lensikati kuloyopende wemlomo futsi—futsi, niyati, wente yonkhe leminye imisebenti kuyo, futsi itohamba icondze ngco ekubhucuteni, futsi iphindze ibhucute. Ngani na? Iyingulube, kwekucala nje. Indlela kuphela loyoke uyente yehluke, kugucula imvelo yayo.

⁶¹ Nguleyondlela kuphela kutsi wesilisa noma wesifazane angake ahambisane naNkulunkulu, kugucula imvelo, umhlante, afe esonweni semuntfu lomdzala, futsi aphindze atalwe kabusha ngaMoya waNkulunkulu. Futsi, lokukutsi, Khristu unguMoya waNkulunkulu, futsi Khristu uLivi. Khona-ke kufakazela Livi. Nguleyondlela kuphela labayoke bayente.

⁶² Manje, Abrahama bekafuna liDolobha Lelo uMakhi neMenti walo kwakunguNkulunkulu. Futsi namuhla sitihambi, bafokati, sifuna liDolobha Lelo uMakhi neMenti walo nguNkulunkulu. Bukani! Abrahama, ngaphambi kwekutsi ake ati, kwakukhona intfo lefana nekutibonela ngekwemvelo kuye, kutsi bekabuke kuleliDolobha.

⁶³ Namuhla, ngendlula entasi nemkami, bengitsi, “Indzawo lencane letsandzekako lapha lehleti egcumeni, mhlawumbe iminyaka lengemakhulu lamatsatfu leyendlulile; lihlatsi lelihle, tihlahla tetingodvo letinkhulu letiphakeme. Indvodza iyangena, iyatigawula tiwe, ingcolisa imifudlana. Bekungaba yindzawo lenhle yekuhlala lapha.” Ya, kodvwa uyabuka, wakha tindlu. Khona-ke bacala kwandza. Sono neludlame kucala kungena. IHollywood iyangena isondzela kuye, yakungenisa ngabhayisikobho, ngamabonakudze. Nge...Futsi manje sekungulokonakele, kugcwele sono, lonkhe lidolobha!

⁶⁴ Futsi empeleni, njengebantfu, lokutsite lokukubo kutsandza kuhlala ndzawonye, kumakhelwane, futsi bangulabalungile. Impela kukhona liDolobha ndzawanatsite! Kujula kubitana nekuJula futsi!

⁶⁵ Futsi Abrahama wabona emadolobha elusuku lwakhe, i-Uri yaseKhalideya. Futsi bekakwati loko ngoba kwakukhona lokutsite kuye lokubitako, kwakukhona liDolobha lebelehlukile, Lelo uMakhi neMenti walo kwakunguNkulunkulu. Futsi Nkulunkulu wakubona loko ku-Abrahama, wamtjela, “Tehlukanise manje, phuma.”

⁶⁶ Manje, Abrahama, intfo yinye lengifuna niyicaphele, walalela lonkhe Livi laNkulunkulu.

⁶⁷ Hlalani nikukhumbula loko! Lowo nguMlayeto wami. Nifanele nilalele Livi. Futsi nati noma yini lephikisana naLo,

yiyekele. Kungahle kubukeke kahle, kodvwa ungazindli ngekumelana neLivi laNkulunkulu.

⁶⁸ Leyo yintfo yekucala Sathane layenta, kwakukuzindla ngekumelana neLivi laNkulunkulu, ku-Eva. Futsi akaLingabatanga nakancane. Wavele wazindla nje. Sathane waLizindla.

⁶⁹ Futsi nguleyondlela labenta ngayo namuhla. “Akusiwo yini umcondvo lomuhle kutsi sifanele sente *loku* na? Akusiwo yini umcondvo lomuhle na?” Uma kumelene neLivi laNkulunkulu, kuyekele kanjalo! Liphimbo laSathane.

⁷⁰ Akutsi Livi, uma Livi likuwe... “Uma nihlala kiMi, neLivi laMi likini, khona-ke celani lenikutsandzako.” UMoya loyiNgewe! “Nine hlalani kiMi, Livi laMi kini,” lelo Livi lelenetiwe inyama, “celani lenikutsandzako futsi kutokwentiwa.” Nguleyondlela. Susa tonkhe tivumokholo, tonkhe tintfo tisuke, futsi ubambelele eVini ngoba linguKhristu. Caphelani, khona-ke litotibonakalisa cobo lwalo.

⁷¹ Lomunye watsi, “Mnaketfu Branham, utati kanjani letotintfo. Kanjani na?”

⁷² Loku lenikubonako lapha emhlanganweni tintfo letincane kakhulu. Nomangubani lohamba nemihlangano lapha, uyati. Moya loyiNgewe wembula tintfo letita emavikini netinyanga emkhatsini wesikhatsi. Futsi buta noma ngubani, “Kwake kwehluleka yini nakanye na?” Angeke kwehluleke, niyabona. “Ukwati kanjani na?” Ngoba setsembiso seLivi, futsi liawa selilapha. Kutofanele kufuzeke. Manje, angati, kutoba nalabambalwa kakhulu, labancane ngesibalo batolikholwa, kodvwa kutofanele kuphume ngalokufananako. Futsi nike nacaphela, kuhamba ngco etikwenhloko yebantfu, futsi kwendlula futsi kwentiwa ngaphambi kwekutsi bakucondze. Kuhlala kungaleyondlela.

⁷³ Kini bantfu labangemaKhatolika, niyati kutsi libandla lenu lenteni na? Ngoba Joan wase Arc bekangulo—longewe mbamba waNkulunkulu, wenta imimangaliso yaNkulunkulu, waprofetha ngaNkulunkulu. Futsi nambita ngemtsakatsi, futsi namshisela esigcotjeni; futsi yena akhalela sihawu, futsi namshisela esigcotjeni. Emakhulwini eminyaka kamuva, nabona kutsi nanineliputsa, nase-ke nimenta longewe. Wendlula ngetulu kwenu ngco, futsi animatanga.

Eliya wendlula, abamatanga. “Mampumpane lomdzala!”

⁷⁴ Khristu wendlula, abaMatanga emvakwekufa kwaKhe, kumbelwa, nekuvuka. Nkulunkulu uhlela loko. Futsi ngekwelucobo kudvonsa boyo ngetulu kwemehlo alongakholwa. Futsi kwakhombisa... Watsi, “Ngikufihile emehlwani alabahlakaniphile nalabanekucondza, futsi ngakwembulela tinswane tona letitofundza.” Khristu wabonga Nkulunkulu ngekwenta loko. Niyabona na?

Titfobe. Kukholwe. Hlola Livi.

⁷⁵ Jesu watsi, “Hlolani imiBhalo, ngoba kuyo nicabanga kutsi ninekuPhila lokuPhakadze, futsi ngiyo lefakaza ngaMi. Benifanele nitati leli-awa.” Washo, watjela baFarisi, “Nine bazenzisi, niyakhona kwehlukanisa buso besibhababhaka. Kodvwa tibonakaliso tesikhatsi, anikhoni kutehlukanisa. Ngoba kube beningati Mine, beniyolwati nelusuku lwaMi.” Kwendlula etikwabo ngco, abakwatanga kwaze kwahamba kwendlula. Caphelani manje Livi lingeke libaluleke kakhulu!

⁷⁶ Futsi caphelani lokunye, lapho nje sisukoko, Loti. Jesu washo, covo IwaKhe, “Khumbulani umkaLoti.” Uma Livi lingakabaluleki kakhulu, uma kuzindla kulungile; ngesikhatsi leyoNgelosi yatsi kuLoti nemndeni wakhe, “Yanini eZowari, kodvwa ningabuki emuva!” Futsi umkaLoti, entfweni lencane leelite nje kugucuka futsi abuke emuva, kodvwa kwakuphambene neLivi, wagucuka waba sidvuli seluswayi.

⁷⁷ Bese-ke wena utsi, “Kutjela besifazane ngekuhhula tinwele tabo, kugcoka timphahla...?” Nkulunkulu washo kutsi ungakwenti! Landzela Livi. Loti beka, akungabateki, umkakhe lomuhle, kodvwa akawulandzelanga uMyalo eVini. Loti! Eva bekanguwesifazane lolungile, kodvwa akawulandzelanga uMyalo eVini; wavele nje wazindla kancane ngawo.

⁷⁸ “Akusiwo yini umcondvo lomuhle, Mnaketfu Branham, kutsi sifanele sente loku na? Ngisakhamuti saseMerica, ngi—nginelinungelo lekwenta nomayini lengifuna kuyenta. Lilungelo lami laseMerica.” Lilungelo lakho laseMerica, kodvwa hhayi lilungelo lakho lebuKhristu. Ngoba, ngemKhristu, uyimvu; futsi imvu ilahlekelwa malungelo ayo. Ilala ithule futsi ikuvumele kutsi utsatse kuyo onkhe emalungelo lenawo. Kodvwa imbuti itokhahlela yonkh’ntfo ngako. Kunjalo. Kodvwa imvu ilahlekelwa malungelo ayo. Futsi umKhristu uhlala njalo alahlekelwa malungelo abo ebuve uma kuphambene nemalungelo akho ebuKhristu.

⁷⁹ UmkaLoti wamane wabuka emuva kancane nje, [UMnaketfu Branham uchumisa umuno wakhe—Umhl.] kwaba nguloko! Manje loko kwenteni na? Kuyasitjela lapha ku-Abrahama, naLoti, kutsi lentfo labayibeka lapho, sibonelo. Futsi asikwati kusuka kuyo.

⁸⁰ EmaHebheru, sahluko se 11, atsi, “Letintfo leti tatatesibonelo setfu. Njengoba sibona kutsi sihacwe lifu lelikhulu kangaka labofakazi lelisihacile. Sifanele sibeke eceleni sonkhe sono.” Yini sono na? Kungakholwa! “Sonkhe sono, konkhe kungakholwa eVini laNkulunkulu, lokutsandzelako kalula kangako kitsi.”

⁸¹ Siyenysuka simelane nentfo letsite, sitsi, “Yebo-ke, bashumayela loko, kutsi loko kwaku...” Ungakwenti loko!

Wena yenta nje loko Nkulunkulu latsite kwente. Hlala naKo, ncamashi!

Utsi, "Akwenti mehluko."

⁸² Kulungile, intfo kuphela lengingayisho nguloko lokushiwo Livi. Futsi Jesu ngalokucinile washo kutsi, "Khumbulani umkaLoti." Wamane nje wabuka etikwelihlombe lakhe. Eva wamane nje wema umzuzwana. Nguloko kuphela lakwenta. UmkaLoti wavele nje wabuka emuva. Futsi uma... Nkulunkulu wagucula leyondvodza lelungile, Loti, umkakhe, wabasidvuli seluswayi, ngentfo nje lencanyanya, kungalaleli nje iMiyalo yaKhe kwenele nje kubuka emuva bese ubona kutsi wonkhe lowomlilo wawumayelana nani, futsi wagucuka waba sidvuli seluswayi, futsi umile lapho nanamuhla njengesibonelo sekutsi Nkulunkulu ucondze loko Lakushoko.

⁸³ O, uma kukholwa sibili kungabambelela kubantfu! "Kukholwa kuta ngekuva, kuva Livi laNkulunkulu."

⁸⁴ Eva wema umzuzwana. Nguloko kuphela bekafanele akwente. Sathane bekanaye ambambile, futsi nje wakucocisana naye. "Akusiwo yini umcondvo lomuhle na? Uma Dzadze *S'bani-bani* angenta loko, angeke ukwente, nawe? Ungumka mfundisi." Angindzaba kutsi lowesifazane ungubani, noma kutsi yena lowesilisa ungubani. Uma kuphambene neLivi, ungakulaleli. Hamba ngco uchubeke! Tibonelo!

⁸⁵ Nguleyondlela Abrahama lenta ngayo. Kungakanani kuzindla locabanga kutsi i—isayensi yetekwelapha leyayingamnika kona, kwalolosuku, kutsi bekangeke abenalo loloswane na? Futsi kutsiwani ke ngesikhatsi sekaneminyaka lengemashumi lasikhombisa nesihlanu na? Khona-ke simtfola lapho sekaneminyaka lelikhulu, bekasasolo akukholwa ngalokucine kakhudlwana kunaloko lakwenta ekucaleni, aneminyaka lengemashumi lamabili nesihlanu kuchubeka akha lokunengi kukholwa kuko. Ngiyakutsandza loko. Yebo, mnumzane.

⁸⁶ Ngako-ke ngifuna kuletsa kunaka kwenu kulenyе intfo letsite ngaphambi kwekutsi sisukume. Nicaphelile na? Ngi—ngiyetsema kutsi nikutfolile. Kuleso sivumelwano sicinisiwe, ngekubhala leso sivumelwano nekusidzabula asehlukanise ekhatsi, nikutfolile na? Phakamisani tandla tenu uma nikutfolile, nitfolile kutsi kwakusho kutsini. Sivumelwano sabhalwa, sadzatjulwa, Nkulunkulu atsatsa kubonakaliswa kwaticu-tintsatfu, akwenta kube kunye; kukudzabula kwehlukaniswe ekhatsi, kukhuphulela umtimba kulelisеTulu, nekutfumelela Moya loyiNgcwele emuva kutsi aphile eBandleni, kuveta intfo lefanako loko lowomtimba lowakuveta, njengemfati, uMlobokati; uMoya lofanako, umsebenti lofanako, iMfundziso lefanako, yonkhe intfo ngendlela impela nje Lebekanayo ngako, sibonakaliso

lesifanako, "Jesu Khristu longuye itolo, namuhla, naphakadze." Caphelani!

Kungahle kube, mhlawumbe, liJuda lihleti lapha.

⁸⁷ Niyabona, Nkulunkulu uyatenta letotintfo, futsi kuyahamba kuchubeke emkhatsini webantfu kepha noko abakutfoli.

⁸⁸ Njengoba bengichaza kutsi kungani besifazane bambonya buso babo uma bashada. Kungani na? Bangahle bangakucondzi loko. Kodvwa loko labakwentako, kukutsi, bayati kutsi bangumtimba, abanayo inhloko, indvodza iyinhloko yabo. Kungalesosizatfu Rebheka watimbonya ngeveyili. Futsi kungako liBandla belifanele litimbonye futsi litinikele kuKhristu, ngoba UyiNhloko, futsi ULivi.

⁸⁹ Manje, liJuda, iYom Kippur, lapho batsatsa sidlosenkhosi, noma liPhasika, noma ngubani uyati, lelo liJuda, futsi uyati kutsi ngaphansi kwesivalo lucetu loluhleshuliwe lwesinkhwa i-kosha. Futsi alikho liJuda lengilatiko, lengake ngakhuluma nalo, lelingachaza kutsi kungani lolocetu loluhleshuliwe lwesinkhwa i-kosha. Ngani, naku lapha ekucinisekiseni kwesivumelwano, umtimba lowephukile waKhristu, ngesikhatsi Ehlukanisa Nkulunkulu kumunfu; Bekangiko kokubili Nkulunkulu nemunfu. Futsi ngesikhatsi Enyusa uMoya...NaJesu washo, lalelani, "Ngalolosuku niyokwati kutsi NgikuBabe, Babe ukiMi; Mine kini, nani kiMi." NguNkulunkulu kubantfu baKhe! Nkulunkulu lofanako!

⁹⁰ Bekamelelwe lapho, lapho besikhuluma khona itolo ebusuku. Nkulunkulu wehla, luhlavu lolukhulu N-k-h-o-s-i, Jehova-Jayira, Jehova-rafa, Jehova-manase, Elohim, Loyo-Lowenele konkhe, Loyo-Lonemandla, Loyo-Lonemabele, tonkhe teticu taKhe nako konkhe, kwabonakaliswa emtibeni wemunfu lodla kudla kwemunfu, futsi wanyamalala emehlwani abo. Nkulunkulu!

⁹¹ Futsi Jesu, uma Efika, Watsi, "Njengoba kwakunjalo ngalolosuku, kuyoba njalo." Nkulunkulu!

⁹² Leso sinkhwa i-kosha lesihleshuliwe ngaphansi kwesimbyonyo, lucetu loluhleshuliwe; hhayi loko labakudlako, kodvwa Loko lokuhleshuliwe. Kungani bangakucondzi?

⁹³ Indlela lefanako ngesikhatsi Jesu atsatsa ti-ticeshana tesikhumba lokubhalwa kuto futsi ucalu kufundza. Wafundza incenyne yalelivesi, wase uyalishiya, lonkhe, ngoba lalilaKhe nje ngalolosuku. Lelivesi lonkhe liphat selene nekuBuya kwaKhe kweSibili.

⁹⁴ Kungalesosizatfu emaJuda angakucondzi loko, nganca yekutsi adzingeka aphumphutsekiswe. Akambonanga Mesiya wawo, abe kantsi Bekalapho. Futsi sikhatsi ngasinye nakadla liPhasika lawo—lawo, naso sinkhwa i-kosha lehleshuliwe futsi, futsi angasati.

Ngabuta rabi. Watsi, "Sifundziswe kwenta loko."

Ngatsi, "Ukwentelani na?"

Watsi, "Angati. Akekho lomunye lowatiko."

⁹⁵ Niyabona, wesifazane umbonya buso bakhe, kepha noko akacondzi. Esikhundleni sekungena futsi avumele umyeni wakhe abe yinhloko yakhe, uyinhloko yendvodza yena. Leyo yimphendvuketelo. Manje leso simo sekutiphatsa saseMerica.

⁹⁶ Kodvwa nguloko, sinkhwa i-kosha lesihleshuliwe. Khonake futsi siyacaphela, futsi bengifuna kuphawula lapha, esendlalelweli manje ngaphambi kwekutsi sehlele encenyen'i sibili lesifuna kuhulumna ngayo kusihlwa.

⁹⁷ Itolo ebusuku niyakhumbula kutsi ngesikhatsi Abrahama, sivumelwano sentiwa na-Abrahama neNtalo yakhe emvakwakhe. Manje, kwakukhona intalo yemvelo ya-Abrahama, ngesento sekukholwa saveta loko; kodvwa iNtalo sibili ya-Abrahama kwakunguKhristu, liBhayibheli... lokwakuyiNtalo yasebukhosini ya-Abrahama. Manje caphelani.

⁹⁸ Abrahama, ngaphambi kwekubhujiswa ngemlilo elusukwini lwakhe, kwakukhona sibonakaliso lesentiwa ku-Abrahama, licembu laKhe lelikhetsiwe. Futsi loko kwaku, Nkulunkulu wehlela phansi esimeni semuntfu, afulatsele lithende ngemhlane waKhe kusuka lapho Sara bekakhona, futsi washo loko Sara bekakusho ethendeni. Futsi Jesu uyafika futsi washo intfo lefanako letobakhona ekupheleni kwemnyaka. Manje, lowo kwakungu-Abrahama.

⁹⁹ Bese-ke kuba yintalo yakhe yemvelo, uma Mesiya efika. Futsi Simoni weta kuJesu, futsi Wamjtjela kutsi ligama lakhe kwakunguSimoni, futsi bekayindvodzana yaJonase, ati imfihlo yenhlitiyo yakhe. Watjela Filiphu...noma Nathanayeli, Filiphu amtfola, "Ngikubonile ngesikhatsi ungaphansi kwesihlahla." Watjela wesifazane emtfonjeni, "Bewunemadvodza lasihlanu"; nalowesifazane watsi, "Mnumzane, ngiyabona kutsi ungumprofethi Wena." Niyabona, kuphela kwentalo yemvelo ya-Abrahama yatfola lesosibonakaliso.

¹⁰⁰ Futsi kwabiketelwa ngeNtalo yasebukhosini Yona lucobo, Khristu, kutsi iNtalo yasebukhosini, ekupheleni kwetinsuku tayo, iyotfola intfo lefanako. Manje ngiyetsema siyakutfola.

¹⁰¹ Wamntjintja. Caphelani, Nkulunkulu walintjintja ligama la-Abrahama. Kuncono ngikushiye loko. Uma ngibuyela imvuselelo lendze, sitongena kuloko. Wadzingeka alintjintje ligama kusukela egameni lakhe lasemhlabeni, kuya egameni laliniketwe nguNkulunkulu.

¹⁰² Wena utsi, "Liphatselene nani ligama lemuntfu na?" O, mnaketfu, kube mane bewati! Ngani, lamanye alamagama esimodeni lesinawo! Angifuni kuwabita, ngoba kutolimata

umuzwa wenu. Kodywa Nkulunkulu unemagama lachaza tintfo, kuntjintja yonkhe imbangela. O, wena utsi, “Ngumbhedvo!”

¹⁰³ Kutsiwani ke nga—kutsiwani ngaJakobe? Ngaphambi kwekutsi abe yinkhosana embikwaNkulunkulu, kwabita ligama lakhe lintjintjwe lisuka kuJakobe libe ngu-Israyeli. Ngabe kunjalo na? Impela. Pawula; Sawula kwadzingeka kutsi ligama lakhe lintjintjwe libe nguPawula. O, bangakhi lebesingababita, futsi shisho kutsi Nkulunkulu wantjintja ligama labo! Abrama waba ngu-Abrahama, Sarayi waba nguSara, antjintja ligama labo. O, hhe! Sibusiso lesinjena pho, kungena ebandleni lelitsite lelincane nelicembu lelikhetsiwe, nekuyofundzisa loko, kubona bohaleluya enhlitiyweni, uma ubona lokwentiwa nguNkulunkulu.

¹⁰⁴ Manje, itolo ebusuku bengichaza nge “kuyifundza ivaliwe” ne “kukucinisekisa.” Ngifuna njе kukushaya futsi ngaphambi kwekutsi ngiye esihlokweni sami. Kutsi, Nkulunkulu wagucula Abrahama kusuka ekubeni yindvodza lendzala leshwaphene, yena naSara, babuyela emuva ekubeni itsandzani letisetincane, wagucula bungibo ngekwemtimba ngaphambi kwekutsi bakhone kwemukela indvodzana letsenjisiwe. Sibonakaliso sekugcina labasitfolo kwakukubonakaliswa kwaNkulunkulu enyameni, bekangafundza inhlitiyo yewesifazane losevakwaKhe, ethendeni. Futsi intfo lelandzelako yayikutsi imitimba yabo yaguculwa. Manje, itolo ebusuku bese ngishiywa sikhatsi, futsi bengibeva labanye batibuta ngaloko. Ngisafuna futsi kukusondzeta kancane.

¹⁰⁵ Manje, bufakazi bako kwakukutsi, ngesikhatsi bobabili batsetse lolohambo loludze kangako, bebaguculwe ngalokuphelele mbamba. NeliBhayibheli latsi, “Bobabili bese bagugile ngeminyaka. Nemtimba wa-Abrahama wase ufana nalofile, nesibeletfo saSara sasesifile.” Ngabe bekunjalo na? Siyati kutsi bebafile, kodywa Nkulunkulu wabagucula. Manje kukufakazela kini, kutsi Wakwenta. Kwekucala, kungani lowomFilisti (noma hhayi u...), yebo, ngikholwa kutsi kwakuyinkhosи yemaFilisti, yatsandzana naSara, salukati? Futsi yena bekabukeka amuhle kakhulu.

¹⁰⁶ Lenye intfo. Ngesikhatsi Isaka sekatelwe, futsi Sara na-Abrahama sebagugile, sebalungele kufa, khona-ke baphila, na-Isaka washada lapho sekaneminyaka lengemashumi lamane budzala; Sara wafa. Futsi Abrahama washada wesifazane, Khethura, futsi waba nalasihlanu, emadvodzana lasitfupha, ngikholwa kutsi kwabanjalo, ngaphandle kwemadvodzakati, emvakwaloko; futsi lapha, eminyakeni lengemashumi lasitfupha leyendlulile, bekasafana nalofile! K-h-e-t-h-u-r-a, Khethura. Washada Khethura, eminyakeni lengemashumi asihlanu noma lengemashumi lasitfupha emvakwaloko, futsi waba nemadvodzana lasitfupha ngaphandle kwemadvodzakati akhe; futsi eminyakeni lengemashumi lasitfupha ngaphambili,

bekasafana nalofile. Haleluya! Nako lapho ukhona! Setsembiso saNkulunkulu siciinisile. Amen. O, ngiyaKutsandza!

¹⁰⁷ Kufinyelela kuwe lucobo nje futsi ufundze! Namuhla, emuva emahlatsini, ngifundza, nginalokutsite lokuncane lengifuna kukuchaza.

¹⁰⁸ Israyeli. Bantfu baNkulunkulu ngalelinye lilanga bebasentasi eGibhithe, batsengiselwe ebugciliini, futsi bebangakhoni kutisita ngekuba lapho. Licebo lelikhulu lelimiselwe ngaphambili laNkulunkulu labatfumela lapho. Bekatjеле Abraham a kutsi bayobabafokati eveni lelingatiwa iminyaka lengemakhulu lamane. Futsi lapho babanjengabo bonkhe bantfu, futsi bebatigcila. Uma i—uma indvodza yaseGibhithe yayifuna kudlwengula emantfombatane lamancane langemaHeberu, akukho lutfo lolwalungashiwo. Uma bebafunga kubulala tinsizwa tabo, bebatibulala, akukho lutfo lolwalungashiwo. Bebatigcila. Bebabaphonsela ngephandle sinkhwa sabo lesikhuntsile. Bayasidla, noma bachubeke; kukhonona, bebabulawa! Indzawo lenjena pho yebantu baNkulunkulu!

¹⁰⁹ Kodvwa ngalelinye lilanga, haleluya, Nkulunkulu wakhumbula setsembiso saKhe ku-Abrahama. Ludvumo! Manje ngicala kutivela kukholwa futsi. Caphelani, Nkulunkulu wakhumbula setsembiso saKhe ku-Abrahama. Futsi Wagcoba umprofethi, aneNsika yeMlilo etikwakhe, futsi uyefika entasi eveni futsi ucala kubakhumbuta setsembiso saNkulunkulu lesingayuze sehluleke. Futsi Nkulunkulu bekakhona kucinisekisa Livi laKhe. Kunjalo. Wabatjela ngelive lebelicicima lubisi neluju, Nkulunkulu bekabanike lona. Baphuma eGibhithe ngemandla ebufakazi balomprofethi aneNsika yeMlilo etikwakhe, ngoba bekatfunyiwe. Futsi Nkulunkulu bekaifikazile kutsi Bekanaye.

¹¹⁰ Manje uma sebefike endzaweni lebitwa ngekutsi yiKadeshi-bharneya. leyake yaba sihlalo sekwahlulela semhlaba, iKadeshi-bharneya. Futsi lapho bebanelichawe emkhatsini wabo, ligama lalo linguJoshua. Futsi leligama lelitsi *Joshuwa*, ngesiHebheru, lisho kutsi “Jehova-msindzisi.” Futsi Joshuwa, lichawe lelikhulu... Manje khumbulani, bebangakaze balibone lelive, bebake beva kuphela ngalo. Uyawubona umfanekiso manje na? Kuphela bebabile ngelive. Bebashiye konkhe kutsi baye kulelive leli, ngoba Livi leNkhosi laliletfe kubo, futsi lacinisa kutsi bebasendleleni yabo leya kulelive leli. Umfanekiso lonje pho weliBandla, endleleni yabo, bangati lutfo ngalo, akekho kubo lobekake wefika lapho. Kodvwa Joshuwa, uma sebasondzele emnceleni, eKhadeshi, sihlalo sekwehlulela, lapho kwehlulela kwashaya Israyeli, kusukela kuloyo lobekakadze angesheya futsi wabuya. Futsi Joshuwa wawela ijordan, wawelela eveni leletsenjisiwe, futsi wabuyisa bufakazi bekutsi lalingiko impela nje loko Nkulunkulu bekatsite lalingiko. Futsi

bebangawanambitsa emagelebisi lebelihlanyelwe kulelolive lelibusisiwe.

¹¹¹ Manje, bebakadze betsenjiswe kutsi bebangaba nelikhaya lapho bebangakhululeka khona, bebangakhulisa bantfwana babo ngalokufanelekile na—nangekwesaba nkulunkulu, babe nelibandla, nalokunye nalokunye. Bebababule kanjani pho kuwelela kulelolive bese batfola lelikhaya, besuka ekubeni tigcila. Caphelani. Kodvwa ngesikhatsi sebawelele ngesheya, baphila kuphila kwabo, kwakuyintfo lenkhulu. Kodvwa ekugcineni emagcuma aba ngulahucwe ngematje emathuna. Baguga futsi bafa, baguga futsi bafa, bantfu baNkulunkulu.

¹¹² Kwase kutsi-ke ngalelinye lilanga kufika lelinye liChawe lelikhulu, lelikhulu kakhulu kunawo onkhe, Jehova-Msindzisi, Jésu, Wefika, futsi Watsi, “KunekuPhila ngaleyka kwekufa! Ngoba, ekhaya laBabe waMi kunetindlu letinengi. Uma bekungenjalo, beNgyionitjela. Ngitonamba ngiyonilungisela indzawo, futsi ngibuye futsi nginibuyisele kiMi.” Futsi leliChawe lelikhulu lefika eKadeshi-barneya yaLo, sihlalo sekwehlulela setfu sonkhe, iKhalvari! Lapho Watetfwesa Yena bubi betfu sonkhe. Futsi Wawela umfula iJolidane lesikubita ngekufa. Futsi ngelusuku lwesitsatfu Wavuka futsi, njengaJoshuwa abuya ngesheya kwemfula, aletsa bufakazi bekutsi “umuntfu lofile angaphila futsi.”

¹¹³ Futsi Watsi, kwenta kwakho... ciniseka ngawe, “Ngifuna nikhuphukele lapho edolobheni laseJerusalem, futsi nilindze lapho. Ngitoninika sibambiso saKo. Ngitoninika bufakazi, sibekelo.” Futsi bakhuphukela edolobheni laJerusalem futsi balindza kwaze kwefika kuPhila lokuPhakadze njengemoya lonemandla lovungutako.

¹¹⁴ Futsi namuhla, emvakweminyaka letinkhulungwane letimbili, sisenabo lobobufakazi kutsi sesendlulile ekufeni sangena ekuPhileni. Joshuwa wetsfu ubuyise bufakazi, futsi sisendleleni yetfu kuya kuleloLive leletsenjiswi, sinambitsa tiphiwo tasezulwini taNkulunkulu Lasibuyisele tona. Kucapheleni, kutsi kumangalisa kanjani! Bukani lapho wake wabakhona. Sidzakwa...

¹¹⁵ Ngihlangene nemnaketfu namuhla; waba nekutivelala lokungakejwayeleki kutsi ajike ngesitaladi lesitsite, futsi ahame ngendlela. Ngiyakhohlwa kutsi bekungubani ligama lalendvodza. Ingahle kube ikhona lapha emhlanganweni. Noko, uma ingekho, ngani, Nkulunkulu bekamuhle kuyo. UliNdiya, liNdiya incenye. Uvela eVirginia. Moya loyiNgewe washo kimi, kutsi ngingakusho. Bengikhipe umkami. Ngatsi, “Yehla ngalendlela, bese ujika ngalelikhona.” Ngehlela entasi lapho. O, kuyenteka ngaso sonkhe sikhatsi. “Lindza khona *lapha*.” Khona-ke ngilindze lapho imizuzu lembalwa. Watsi, “Jika

ubuyele emuva wenyuke *ngalendlela*.” Futsi, lapho ngikwenta, ngahlangana naye.

¹¹⁶ Watsi, “Mnaketfu Branham, ngiyakwati.” Watsi, “Ngifike eJeffersonville ngalesinye sikhatsi, futsi kutfola wena.” Futsi watsi ngi... “Wawungesheya kwetilwandle.” Kodvwa bekakadze adzakiwe, emphilweni yakhe. Ngambamba sandla, yena angati kutsi bengentani. Futsi bekaphetfw sifo sekonakala kwasibindzi i-cirrhosis. Ngisesemile lapho ngibambe sandla sakhe, kudzikita kwasuka kimi. Ini na? Waphiliswa. Khona lapho ekoneni lesitaladi, bayakuva edolobheni lakini.

¹¹⁷ Angiyati lendvodza ingubani... Ngabe ikhona lapha? Angati. Uma ikhona, yona... A—angati. Itsite be—beyifuna kubuyela ekhaya. Ngicabanga kutsi bekufanele ihambe. Beyi—beyiyindvodza leliNDiya, ngicabanga kutsi yayishade ne—newesifazane lomhlophe. Futsi yayiyaseVirginia. Futsi ngiyakholwa kutsi ligama layo ngubani. Yayihlala entasi lapha ngaseLogar noma intfo lefana naleyo. Futsi beyisendleleni yonkhe iya eJeffersonville. Kodvwa beyinekuva kutsi yenyukele ekoneni; Moya loyiNgcwele utsite, “Yewuka *ngalendlela*.” O Nkulunkulu, bani nesihawu! Nako lapho ukhona.

¹¹⁸ Ngingatsatsa ema-awa emvakwema-awa, kunitjela tintfo lengitibonile tenteka futsi tentiwe kanjalo. Ngani na? Jesu, liChawe letfu lelikhulu, waya ngesheya futsi wancoba live, wancoba kufa, wancoba sihogo, wancoba lithuna, wavuka ngelusuku lwesitsatfu, futsi watsi, “NginguYe lobekafile, futsi ngiyaphila futsi kuze kube phakadze, futsi nginetikhiya tekufa nesihogo.” Lowo nguMncobi, kusukela Adzabula iveryili yaba kibili. Nango Emile!

¹¹⁹ Njengadzadze lomdzala lolikhatalsi. Ngiyacolissa, bangani bami labangemakhalatsi ekhatsi lapha. Bekaniketa bufakazi emhlanganweni, futsi bekawaseningizimu kakhulu ekukhulumeni kwakhe. Watsi, “Yebo-ke, ngifuna kunitjela nonkhe lokutsite kusihlwa.” Watsi, “Impela angisiko loko lebengifanele ngibe ngiko.” Futsi watsi, “Impela angisiko loko lengifuna kuba ngiko. Kodvwa iyodvwa intfo lengiyatiko, angisiko loko lebengivamise kuba ngiko.” Ngako bekefike ndzawanatsite!

¹²⁰ Futsi ngitsi, nguloko nje kusihlwa! Ngalesinye sikhatsi sasilahlekile esonweni. Futsi namuhla, ngekwemukela bufakazi, setsembiso lesibuyisiwe (sibekelo ensindzisweni yetfu yaPhakadze), sivukile ekufeni saya ekuPhileni, futsi siyaphila ngetulu kwaso. Kuyoba njani lapho sitfola imbadalo lephelele, futsi siwele umfula, cobo lwetfu, singene kuleloLive lelikhatimulako na?

¹²¹ Kunambitsa lokukhulu! Manje Abrahama, emvakwato tonkhe letintfo leti letimangalisako, wavivinywa ngemuva kwekuba sekemukele sibusiso. Abrahama wavivinywa.

¹²² Manje ngulapho bantfu labehluleka khona. Manje, lalelisansi sibili manje, ningakugeji. LiBhayibheli lasho, kutsi, "Yonkhe indvodzana leta kuNkulunkulu imele ilaywe, ilaywe, ibhacabulwe. Futsi uma singeke sakumela kulaywa, siba bantfwana labamagoya, futsi hhayi bantfwana bakaNkulunkulu." Kufakazela kutsi kukholwa kwetfu akusiko loko lebesitsi kwakungiko, asinako loko lebesitisho kutsi sinako. Manje sehlela phansi kuloko impela lokuhle kwebuCalvin manje, ngako-ke sifanele sikubukisise loko. Manje caphelani, "Yonkhe indvodzana leta kuNkulunkulu ifanele ilaywe, ilaywe," Livi liyayibhacabula futsi liyisike ibe ticucu, bekangashaya akhiphe sonkhe sivumokholo ngaphansi kwakhe; niyabona, wamvivinya, futsi kubona kutsi uyindvodzana yaNkulunkulu yini.

¹²³ Manje Abrahama, emvakwekuba sekemukele sibusiso, waseke kamuva uyavivinya.

¹²⁴ Siyakuphi lesosikhatsi na? Angikefiki ngisho nekufika esihlokweni sami, futsi sekusikhatsi sekuvala. Ningangibeketeleta leminye imizuzu lelishumi nesihlanu na? [Libandla litsi, "Amen."—Umhl.] Ngiyabonga. Hloniphani ngekutittfoba. (Abrahama. Bukani Nowa.) Asikutsatse nje umzuzwana. Angeke sisheshise; asikho sidzingo. Futsi, hhe, yini lesiyisheshiselako na? Ngitsi nje kunesa. A—angifani nalabanye balababafo labangeke beme, kungavele nje kuheletise umoya usuke kanjalo. Ngi—ngi—ngiyanesa, ngifanele ngilindze ate Anginikete kona.

¹²⁵ Bukani Nowa, emvakwekuba Nkulunkulu amente kutsi ashumayele iminyaka lelikhulu nemashumi lamabili, ekhatsi ngco nelive lelikhulu kakhulu lesayensi lesinalo namuhla. O, impela, bakha tivivane. Angeke sesikhone kutakha. Bakha libhubesi lelikhulu lelinenhloko yemuntpu lelibatwe ngelitje. Angeke sesikhone kulakha. Bagcobisa imitimba kuyenta ibukeke inguyemvelo nanamuhla. Angeke sesikhone kukwenta. Bebanedayi lebebangayifaka etintfweni, lowo mbala uhlala iminyaka letinkhulungwane letine ungakaze untjintje. Asinawo. [Akucoshwanga etheyiphini—Umhl.] Futsi kukhombisile kutsi bebanemphucuko njengoba Jesu atsi, "Njengoba kwakunjalo etinsukwini taNowa." Futsi Nowa, kulelolive lesayensi, ashumayela, "Imvula itokuna ezulwini, ngoba Livi laNkulunkulu lasho njalo!" Nowa bekangumprefethi.

¹²⁶ Futsi uma nibona baprofethi bavuka, kuncono nicaphele, kwahlulela kusendeleni yako.

¹²⁷ Ngako-ke Nowa ashumayela, nebantfu bakwala, bahleka ebusweni bakhe. Sengiyabona labanye babo batsi, "Loko akuhlangabetani nekuphasisa kwetfu kwesayensi." Huh!

¹²⁸ Kwangatsi ngiyabona, intfo lefanako njengoba injalo namuhla. Basho kutsi, "Kumemeta nekudvumisa Nkulunkulu,

nekukhala, naloku lapha lokubitwa ngemphilo ‘yemgiciki longcwеле’ netintfo, konkhe kungemadlingozi lasetjentiwe nje.” Akuhlangabetani nekuphasisa kwabo kwesayensi, kodvwa kuhalangabetana neliBhayibheli laNkulunkulu. Loko yintfo lemcoka. Caphelani.

¹²⁹ Kwangatsi ngiyabona isayensi iphuma futsi yatsi, “Buka, mfo. Buka, wena—wena utsi nje kuphambana enhloko. Buka lapha. Mine, sinemshini i-rada, singadubula inyeti nomasitfumele Sputniki etulu lapho. Akukho ngisho nalinye litfonsi lemantemkhatsini walapha nalaphaya. Manje itovela kuphike?”

¹³⁰ Sengiyamuva Nowa atsi, “Nkulunkulu washo njalo! Futsi uma Nkulunkulu atsite kwakunjalo, UNGUJehova-Jayira, Anganiketa emanti etulu lapho. Nkulunkulu washo njalo! KutoKwenteka, nomakanjani!” Lomunye watsi . . .

¹³¹ Utsatsa indvodza lebulawa ngumdlavuza, sitfunti sendvodza, nayi lapha; ngemnyaka lotako iyindvodza lenhle leophile saka. Kwenteka kanjani na? Umlalise ngemhlane . . . Nginemakhulu alobo bufakazi. Umuntfu sewuvele uphumile kulemphi, dokotela usayne sitatimende, “Ufile, bekafile emawa lamanengi ngemvakwema-awa.” Futsi Nkulunkulu uniketa umbono, futsi uyaphila manje. Kanjani na? Ungangibuti. Angati. Kodvwa Nkulunkulu washo, “Philisani labagulako, nivuse labafile, nikhiphe emadimoni.” Kunjalo.

¹³² Noma nini lapho ugula futsi Nkulunkulu umemetela kophiliswa, chubekanje—chubeka nje nadokotela wakho, akakutjele uma sewuphilile. Utokunika . . . Loko kutoniketa bufakazi kuye. Uma atsi, “Yebo-ke, sekuhambile konkhe”; utsi, “Akabongwe Nkulunkulu! Ngiyabonga, dokotela, ngetinsita takho,” futsi uchubeke uhambe. Niyabona na? Kunjalo. Caphelani.

¹³³ Manje Nowa, watsi, “Kukhona imvula letako, umhlaba wonkhe, utonikhukhula nine bantfu lababi.”

¹³⁴ “A, ngumbhedvo! Sinemabandla etfu. Umelusi wetfu akasho lutfo lolunjalo. Lendvodza lendzala iphambene inhloko yayo, yakha le emkhunjini etulu lapho. Ucabanga kutsi noma ngubani angakukholwa na?”

¹³⁵ Ngalelinye lilanga, Nkulunkulu watsi, “Ngikuvile kuhhalatisa kwabo ngalokwenele. SeNgilungele manje. Ngena ngekhatsi!” Futsi lapha kufika tilwane, ngatimbili ngatimbili, pholi lomdvuna nalomsikati, ncedze lomdvuna nalomsikati, imbuti lendvuna nalensikati, imvu lendvuna nalensikati, libhubesi, lihlosi, konkhe loko lokuphefumula umoya etikwemhlabo, kwangena emkhunjini.

Nowa watsi, “Leso sibonakaliso senu sekugcina!”

¹³⁶ Futsi abazange sebakukholwe. “Chubeka wenyuke uhlale netilwane takho letinukako.”

¹³⁷ Nango bekalapho, Nowa alalela Nkulunkulu. Kungakhatsaleki kutsi live latsini, walalela Nkulunkulu; bekangumprofethi. Wangena emkhunjini, futsi Nkulunkulu wavala umnyango ngemuva kwakhe.

¹³⁸ Manje kwangatsi sengiyabona, labanye bemakholwa leme emnceleni, ahlala lapho futsi alalela umlayeto waNowa, futsi asusa siceshana, niyati, atsi, “Uyati kutsini, lelokhehla kungenteka kutsi belicinisile. Asikhuphuke futsi sime ngakhona. Litsite, ‘Litocala kuna uma lowomnyango uvalwa.’ Nkulunkulu wamtjela kutsi Uyovala umnyango, litokuna. Asikhuphuke sime ngakhona. Futsi uma licala kuna, sitonconcotsa emnyango. Ngoba ulikhehla lelinenhltiyo lelungile, utowuvula umnyango.”

¹³⁹ Niyabona, ngaletinye tikhatsi ubuka sitfunywa esikhundleni seMlayeto. Nkulunkulu wavala umnyango. Akunandzaba kutsi Nowa bekanenhlitiyo lelunge kanjani, kwakunguNkulunkulu lowenta kuvala nekuvula, noma yini Layifunako.

¹⁴⁰ “Mnaketfu Branham, kukhona indvodza lohleti lapha phansi ekoneni. Yehla futsi uyiphilise, sitokholelwka ekuphiliseni kwaNkulunkulu.” Lowo ngudeveli.

¹⁴¹ Lofanako lomunye washo, ngesikhatsi babeka indvwangu ivale ebusweni baKhe futsi baMshaya etulu enhloko, enkantolo, watsi, “Uma Ungumprofethi, sitjele kutsi ngubani Lolokushayile manje. Sitokukholwa.” Akenteli muntfu emahlaya. “Uma Uyindvodzana yaNkulunkulu, gucula lamatje lawa abe sinkhwa. Uma Ungiyo!” Bekangakwenta, kodvwa Akenteli muntfu emahlaya. “Uma Uyindvodzana yaNkulunkulu, yehla kulesiphambano.” Bafundisi lebekasho loko, niyabona. Akentelanga muntfu emahlaya.

¹⁴² Wenta njengoba nje uYise aMkhombisa, futsi akukho lokunye. Nguloko Lakusho, Johane loNgcwele 5:19, “INDvodzana ingeke yente lutfo ngekwaYo, kuphela loko Lebone uYise akwenta.” Nako laph’ukhona. Caphelani.

“Sitokhuphuka futsi sime situngelete umkhumbi, uma licala kuna . . .”

¹⁴³ Ngiyacabanga Nowa watsi . . . Wangena esigabeni sekucala, wakhuphukela etulu esigabeni lesilandzelako (tinyoni) kusukela etintfweni letinwabutelako, kuye etulu ehhovisi lelilandzelako. Kusukela ekulungisisweni, kuye etulu ekungcwelisweni (tinyoni), khona-ke wahamba esuka kuloko wachubekela embhabbatisweni waMoya loNgcwele; lapho lifasitelo lalikhona, lapho kukhanya kwakungangena khona. “Ngenyukela kukwasezulwini, ngahlala phansi.” Ngatsi, “Kulungile, mndeni, nine leningenako lapha nami, ekuseni . . . Sekuhamba sikhatsi kulentsambama manje. Manje Nkulunkulu wavala umnyango entasi lapho. Ekuseni, kutoba nebumnyama etikwawo wonkhe

umhlaba. Ekuseni, timvula titokuna futsi umkhumbi utontanta usuke, futsi Nkulunkulu uto—utocedza tonkhe letotoni letinelunya lettingawukholwanga loMlayeto.” Tonkhe tilindzele.

¹⁴⁴ Ngakusasa ekuseni, wavuka, wabuka ngephandle, kuhle futsi kuyakhanya. Wahamba wangena emkhunjini, bangakhi lowatiko kutsi wangena ngaluphi lusuku na? Lusuku lwe 17 lweNkhwekhweti, lapho Nowa bekaneminyaka lengemakhulu lasitfupha budzala. Lusuku lwe 17 lweNkhwekhweti, liBhayibheli lasho njalo. Futsi lapho angena, lusuku lwe 17 lwendlula, lilanga liyaphuma lishisa nje njengoba lalihlala lenta.

¹⁴⁵ Kwangatsi sengiyababona, labeme emnceleni, batsi, “A! Nginitjelile bekungekho lutfo kuko! Yini leniyiziyaziyela lapha etulu lapho na? Dedani kuloyo mampumppane lonjalo!”

“Yebo-ke, ngiyacabanga kutsi kwakunjalo.”

¹⁴⁶ Kodvwa, niyabona, kukhona lilayini lelehluwanisako lelidvwetjiwe emkhatsini wekukholwa nekungakholwa. Futsi kusekhatsi kwekutsi uta ngeluhlangotsi lunye noma lolunye. Futsi kunesikhatsi lapho wemukela kubitwa kwakho kwekugcina khona.

¹⁴⁷ Ngako-ke, lusuku lwasibili, kujabha lokunje pho lokwakungikko kuNowa nelibandla lakhe, lapho bekabatjele kutsi Nkulunkulu utobhubhisa umhlaba. Kodvwa niyati kutsi walindza sikhatsi lesidze kangakanani na? Tinsuku, letisikhombisa, akwentekanga lutfo. Kuvivinywa!

¹⁴⁸ Kwase kutsi-ke ngelusuku lwasiphohlongo, kwaba khona bumnyama etikwemhlabo wonkhe, ematfonsi lamakhulu acala kuwa avela esibhakabhakeni, emanti acala kutfululeka, futsi imitfombo yabhaboka. Imigwaco yagcwala emanti. Bantfu banconcotsa emnyango, kodvwa Nowa bekangabeva ngisho nekubeva. Futsi wantanta ngetulu kweligmuma leliphakeme kunawo onkhe, futsi bonkhe lebebangehandle kwemkhumbi babhubha.

¹⁴⁹ Nkulunkulu avivinya Nowa, kubona kutsi bekangatama yini kucanca aphume ngelifasitelo, noma intfo letsite. Emvakwekuba Sekavele asentile setsembiso, Nowa wahlala wakulindza!

¹⁵⁰ Nguloko-ke! Uma unesetsembiso, futsi uyati kutsi setsembiso, hlala naso! Abrahama wadzingeka avivinywe. Hlala nesetsembiso!

¹⁵¹ Manje, bebanesibonakaliso sabo sekugcina. Khona-ke umtimba wabo waguculwa. Futsi ngekushesha Isaka lomncane wabonakala enkhundleni, umfana lomncane lotsandzekako longumJuda. Ngingacabanga kutsi emvakwetinsuku letisiphohlongo wasokwa. Kanjani lowomake lomncane, iminyaka lelikhulu budzala...Kanjani kutsi Abrahama, likhulu leminyaka budzala; noma yena wesifazane anemashumi

layimfica, naye lowesilisa aneminyaka lelikhulu; kufanele kutsi bebakanjani cishe, cishe eminyakeni lengemashumi lamabili, bajabula. Lomfo lomncane, bekamuhle kanjani!

¹⁵² Futsi niyati, Nkulunkulu watsi, “Manje kwenta bantfu etinsukwini letitako (iNtalo ya-Abrahama) bati, iNtalo yakho iyati kutsi Ngiyasigcina setsembiso saMi kunoma ngumuphi umuntfu loyobambelela eVini laMi, Ngitomniketa sivivinyo.”

¹⁵³ Lapho umfana lomncane sekaneminyaka cishe lelishumi nakune budzala. Kwangatsi ngiyabona, tinwele letincane letimahlikihliki nemehlo lamancane lamahle. O, bekajabule kanjani lowobabe namake! Niyati kutsi unjani wena mtali ngemntfwana wakho, umntfwana lokuphela kwakhe. Khona-ke Nkulunkulu watsi ku-Abrahama... Manje, Bekangeke akutjele Sara, ngoba Sara bekasitja lesibutsakatsaka. Futsi ngako-ke Watsi, “Abrahama, Ngifuna utsatse lo mfanyana leNgikunike yena, loyo leNgitokwenta babe wetive letinengi ngaye, futsi Ngifuna umtsatse umyise etulu entsaben leNgitokukhombissa yona kusihlwu embonweni, bese uyambulala lapho.” Bhubhisa lona lelitsema lelikuphela kwalo lebelikhona lakhe kutsi abe ngubabe wetive, kute Nkulunkulu agcine Livi laKhe; Nkulunkulu watsi, “Ngikwenta babe wetive.” Ulindzile manje yonkhe leminyaka, waze waba neminyaka lelikhulu budzala, iminyaka lelikhulu nelishumi nakune budzala. “Futsi nangu umfana lomncane manje, futsi bufakazi lobukuphela lonabo kutsi Ngitoligcina Livi laMi, khuphuka futsi ububhubhise. Ngisatokwenta babe wetive ngalomntfwana lona.”

¹⁵⁴ “Futsi Abrahama,” watsi, “akangabatanga ngesetsembiso saNkulunkulu. Bekati kutsi wamemukela njengalovela kulabafile. Bekati, uma Nkulunkulu etsembise kanjalo, Bekangamvusa kulabafile.”

¹⁵⁵ Futsi khona-ke siyiNtalo ya-Abrahama na? Futsi lelilodvwaa lelincane liphutsa lesayensi yetenkholo lelingasakateka endeleni, kutsi ube ngulotsandvwa ngibo bonkhe besilisa nebesifazane, hambani niye kuyo esikhundleni sekuhlala neLivi. Lihlazo kini! Lenye inhlangano lenkhulu, kusho kutsini loko kuNkulunkulu na? Utoyitsanyela ayisuse *kanjalo!* [UMnaketfu Branham uchumisa umuno wakhe—Umhl.] Uyakhwesha kuyo, bekakwenta kusukela bahlela, wonkhe wabo, futsi kutohlala kunjalo. Hhayi bantfu ngamunye ekhatsi lapho, kodvwa inchubo yenhangano, imelene naNkulunkulu. Lonkhe libandla lelihleliye lingumake... noma indvodzakati yenhangano yeKhatolika. LiBhayibheli lasho njalo, Sambulo se 17, “Ingwadla lendzala nemadvodzakati ayo ayingwadla.” Kunjalo impela.

¹⁵⁶ Sinaye ahleti khona lapha manje etikwesive sakitsi. Lihlazo kini nine maDemokrathi lamahle lenitsengise ngemalungelo enu ekutalwa! Kulungile, sitoshiya loko kuhambe, ngize ngibuye.

Caphelani. Ngishiywa sikhatsi. Khristu wenu akasho lokunengi kini kunetembusave tenu na? Nifanele nente loko Abrahama Lincoln lakusho. Kulungile. Caphelani, siyachubeka.

¹⁵⁷ Manje Nkulunkulu watsi, “Tsatsa lomfo lomncane, menyusele lapho esicongweni sentsaba.”

¹⁵⁸ Manje nifuna kwati kutsi Abrahama bekayinsizwa yini noma cha? Wahamba luhambo lwetinsuku letintsatfu nemntfwana, netinkhuni, nenceku, kanye nembongolo. Manje noma ngumuphi umuntfu, indvodza lejwayelekile... Ngangivamise kugadza emalayini agezi, ngivamise kuhamba ngetinyawo ngesikhatsi ngisengugadzi wetinyamatane; futsi ngangihamba, kalula, emakhilomitha langemashumi lamane nesiphohlongo ngelusuku. Futsi sinagasolina wetinyawo, sikubita kanjalo. Kodvwa lawo indvodza, kwekuhamba kwabo kungetinyawo kuphela, noma kugibela impongolo. Futsi naba lapha banembongolo lencane lehamba kancane; futsi singayishiya. Futsi nangu lapha, luhambo lwetinsuku letintsatfu, futsi khonake waphakamisa inhloko yakhe wabona lentsaba isekhashane, noko. Kufanele kutsi bekakhweshe cishe ngemakhilomitha lalikhulu nemashumi lasitfupha emphucukweni, emuva le ehlane. Manje lalelani, futsi caphelani.

¹⁵⁹ Khona-ke watsatsa tinkhuni futsi watibeka emhlane wa-Isaka; siphambano, iNdvodzana yaNkulunkulu eminyakeni kamuva. Futsi Isaka wetfwala tinkhuni wakhuphuka intsaba, bekatolala etikwato entela umhlatjelo. Kwenta umfanekiso ngaphambili!

¹⁶⁰ Uma Nkulunkulu enta umfanekiso ngaphambilil ngaloko ncameshi; umkaLoti, unggagucuki futsi ubuke emuva etintfweni telive. Yonkhe leyomifanekiso netifunti kuphelele. Niyabona na? Khumbulani Eva. Khumbulani umkaLoti. Khumbulani Loti cobo lwakhe, wena ndvodza. Khumbulani, Adamu wavumela umkakhe; Loti, indlela lefanako. Caphelani. Ngiyanitjela nje, njengemnakenu. Sikhatsi sesihambile kunalelenikucabangako.

¹⁶¹ Caphelani Isaka lomncane akhuphuka ligcuma. Futsi waba nekusola. Futsi wacalata, wase utsi, “Babe wami?”

Futsi yena watsi, “Ngilapha, ndvodzana yami.”

¹⁶² Watsi, “Nati tinkhuni. Futsi naku konkhe, yonkhe intfo, umlilo. Kepha iphi imvu yemnikelo wekushiswa na?”

¹⁶³ Lalelani lowo babe lomdzala, ngale kwekuchachatela ephimbeni lakhe, watsi, “Ndvodzana yami, Nkulunkulu utotibonela Yena umhlatjelo.” Indvodzana yakhe lekuphela kwayo itohlatjwa, kepha noko leyonhlitiyo letsembekile lendzala beyati kutsi Nkulunkulu angeke awacambe emanga.

¹⁶⁴ Leyo yiNtalo ya-Abrahama namuhla! “Kungenteka kanjani, Mnaketfu Branham na?” Nkulunkulu utotibonela Yena! “Utokwenta kanjani na?” Angati. Kodvwa UnguJehova-Jayira!

¹⁶⁵ Wenyukela esicongweni seligcuma, wagicita lidvwala. Wabeka tinkhuni emadvwaleni, futsi watokhela ngemililo. Watsi, "Isaka, ndvodzana yami, gucuka." Watsatsa intsambo elukhalo lwakhe, wase ubopha tandla takhe netinyawo takhe. Isaka, walalela, njengoba Khristu wabanjalo, ekufeni. Wambeka etulu ebhlokini. Wagobela emgodleni wakhe wahoshula umukhwa lomkhulu; wawulola tikhatsi letimbalwa, ebuke etulu ngasesibhakabhakeni.

¹⁶⁶ "Akangabatanga ngesetsembiso saNkulunkulu ngekungakholwa, kodywa bekacinile, ati kutsi bekamemukele njengalovela kulabofile; acinisekile ngalokugcwle kutsi uma Nkulunkulu ashо njalo, kuye kutsi akwente, Bekangamvusa kulabofile." Lowo ngu-Abrahama, futsi leyo yiNtalo emvakwakhe. Uma leyo kwakuyintalo yemvelo, ifanele kuba njani ke iNtalo yasebukhosini na? Akangabatanga! Loko Nkulunkulu lakushoko, Nkulunkulu utokwenta. Ati kutsi, bekaciniiseke ngalokugcwle; kutsi loko Nkulunkulu lakwetsembisa, Nkulunkulu bekakhona kukwenta.

¹⁶⁷ Walola umukhwa; emehlo lamancane lamnyama a-Isaka lomncane abuka leyonsakabuli lekhaliphako lapho asayigijimisa etjeni. Wafinyelela emuva; waphonsa ngemuva tinwele letiphotsekile tesuka ebusweni bakhe, wadvonsela emuva silevu sakhe lesincane. Waphakama, netinyembeti tehla ebusweni bakhe kanjalo. Ati, futsi akangabatanga setsembiso saNkulunkulu! Waphakamisa sandla sakhe kubhudleka ngemukhwa emphinjeni wendvodzana yakhe lucobo.

¹⁶⁸ Futsi lapho sekakwentile, liphimbo laNkulunkulu lamemeta, futsi labamba sandla sakhe, latsi, "Abrahama! Abrahama, bamba sandla sakho! Ngiyati manje kutsi uyaNgitsandza." Bekentani Yena? Aniketa bufakazi eNtalwени ya-Abrahama, emvakwakhe. "Bamba sandla sakho, ungamlimi lo mntfwana! Ngiyati kutsi uyaNgitsandza."

¹⁶⁹ Cishe ngalesosikhatsi, Abrahama weva lokutsite emvakwakhe. Futsi wabuka, futsi nako kukhona sihhanca (leyo yimvu lendvuna) sibanjwe negetimphondvo taso elukhuleni nasetihlahleni. Na-Abrahama wahamba watsatsa lesihhanca futsi wasibulala, esikhundleni sendvodzana yakhe.

¹⁷⁰ Sabuyaphi leso sihhanca? Ukhweshe ngemakhilomitha lalikhulu nemashumi lasitfupha kusuka emphucukweni. Ngani, tilwane tasendle betiyosibulala kube sasibonakele emuva lapho. Impela, si—silwane lesifuywako. Savelaphi na? Futsi, ngaphandle kwaloko, kusetulu le esicongweni sentsaba, lapho kungekho khona tjani noma emanti. Futsi Abrahama wabutsa onkhe emadvwala lapho, lapho kwakukhona, kwenta li-altari. Sabuyaphi na? Kwakungesiwo umbono; sopha. Umbono awophi. Haleluya! Jehova-Jayira bekatibonele Yena lucobo umhlatjelo!

¹⁷¹ Lapho Nkulunkulu akutsatse eVini laKhe, Uyakhona kuniketa noma yini Layidzingako. Nkulunkulu, Jehova-Jayira, usenguJehova-Jayira kusihlwa. UneMhlatjelo lose uvele uniketiwe. UneliBandla leliniketiwe. UneSitfunywa lesiniketiwe, Moya loyiNgcwele. Ulapha manje, Jehova-Jayira. INkhosi itiniketele Yona lucobo liBhayibheli, uMoya, liBandla, uMlayeto, Sitfunywa. Futsi li-awa selifikile manje lekutsi liBandla lihlwifwe futsi liyiswe ekhaya. Jehova-Jayira utoniketa tindlela tekutsatsa leloBandla liphume kulomhlabu, ngekugucula lemitimba yetfu lebutsakatsaka, futsi ayenyusele eNkhatimulweni. Jehova-Jayira! Kutokwenteka kanjani kulolusuku lwesimodeni njengalolu lesiphila kulo, kutsi letintfo leti tiyobanjani na?

¹⁷² Billy, indvodzana yami, nomangabe ukuphi, nami, ngangiseNdiya madvutane nje. Futsi ngabutsa liphepha... Nangehla emkhunjini, tinkhulungwane tatime lapho netfungo tetimbali ngetincumbi. Ngesikhatsi sifika ngaleya eTaj Motel, bebaneliphepha libekwe lapho, ngesiNgisi. Futsi ngibone siceshana lesikhulu kulo, satsi, "Kufanele kube sibonakaliso kutsi kutamatama kwemhlabu sekuphelile." Kwakuyini indzaba na? Yebo-ke, cishe etinsukwini letintsatfu noma letine ngaphambi kwekutamatama kwemhlabu lokukhulu njengoba nifundzile ngako, tonkhe tinyoni letincane letatihlala emadvwaleni...

¹⁷³ ENdiya, bete bofenisi njengoba sinabo eCalifornia, i-United States. Benta lutsango lwabo ngemadvwala labawabutsako. Futsi tinyoni letincane takha sidleke sato kuwo. Benta imibhoshongo lemikhulu, netinyoni takha tideleke tato kuwo. Futsi tonkhe tinyoni letincane, etinsukwini letitsi atibe mbadlwana ngaphambi kwekutamatama kwemhlabu, tandiza tesuka kulamabondza. Futsi ngesikhatsi sakusihlwa noma... Ekhatsi nemini, lapho kushisa khona, timvu netinkhomoyiyetime ngaphansi kwemtfunti welubondza nembhoshongo, kutivimbela elangeni lelishisako.

¹⁷⁴ Kodvwa tinsuku letimbili, tinkhomo netimvu atizange tite kulolubondza. Tema ngephandle ekhatsi nensimu teyama kulenye nalenye, kwentela indvudvuto. Kwase-ke kufika kutamatama kwemhlabu, k watamatamisa lawomabondza awa phansi. Futsi khona-ke tinyoni letincane ticala kubuyela emuva, tinkhomo tisuka ensimini. Kwakuyini na? Nkulunkulu lofanako longabita timvu netinkhomo, netinyoni, tingene emkhunjini, wakhombisa kutsi UnguNkulunkulu lofanako namuhla longabita tilwane taKhe tisuke.

¹⁷⁵ Futsi uma Angakhona kuhola silwane ngekutivela kwaso kwemvelo, bekufanele kakhulu kangakanani-ke kutsi liBandla laNkulunkulu kutsi lisuke kulamabondza lamakhulu lentiwe ngumuntfu netimfundziso temabandla. IBhabhiloni itokuwa, ngalolunye lwaletinsuku leti. Jehova-Jayira utibonele Yena

lucobo iNdzawo yekuPhumula entela wena. Ndiza usuke emibhoshongweni yelive!

¹⁷⁶ Ndiza usuke ebukhatikhatini beHollywood! Emabandla atama kubahleka, acwebetela. LiVangeli alicwebeteli. IHollywood iyacwebetela; liVangeli liyakhatimula. IHollywood icwebetela ngebekhatikhati. Lisontfo lelikhulu licwebetela ngemfundvo. Futsi liBanda laNkulunkulu lophilako likhatimula ngekutitfoba nebumnandzi, kanye naMoya loNgewe. Kunalomnengi umehluko emkhatsimi wekukhatimula nekucwebetela.

¹⁷⁷ Ulapha manje. Jehova-Jayira utibonele Yena. "Nkulunkulu angamvusela Abrahama bantfwana kulamatje." Uma emahlelo angeke aLemukele, Nkulunkulu angaletsa bantfwana baKhe labavela etitaladini, tingwadla letivela emahhotela. Angavusa noma yini Layifunako. Kodywa uma Nkulunkulu anikete uMlayeto, kukhona umuntfu lotsite ndzawanatsite kutsi aWemukele. Jehova-Jayira! INkhosi itotiniketela Yona uMlayeto. INkhosi itotiniketela Yona Sitfunywa. INkhosi itotiniketela Yona, ngendlela yaYo luCobo, tibonakaliso eBandleni; hhayi kujoyina, kufaka emagama enu etincwadzini.

¹⁷⁸ Siva lokunengi namuhla ngetincumo, tincumo letinengi kakhulu. Kusita ngani kubutsisa emadvwala uma ungenaye umbati wematje lapho kuwasika futsi awabumbe abe madvodzana nemadvodzakati aNkulunkulu na? Kusita ngani kuba nemahlelo lamakhulu lakhwi ngetinkhulungwane, uma kungekho muntfu lapho loneNkemba lekhaliphako lesika ngetinhlangotsi totimbili yaNkulunkulu kubabumba baphume babe bantfwana sibili baNkulukulu na? Sewungamane ubashiye ngephandle lapho bakhona. Amen. Nkulunkulu (hhayi iMethodisti, hhayi njengeBaptisti, iKhatolika), Nkulunkulu utibonele Yena lucobo uMukhwa kubumba bantfwana baNkulunkulu, emadvodzana aNkulunkulu. Amen. *Jehova-Jayira*, "iNkhosi itoniketa Yona." Futsi Ikwentile! Mkholweni Yena, futsi niphile.

Asikhotsamise tinhloko tetfu umzuzwana nje.

¹⁷⁹ Nkulunkulu lonemusa, Nkulunkulu lophila njalonjalo, bani nesihawu manje kitsi, futsi siphe umusa waKho. Asikafaneleki, Babe, nomayini leyo Lobewungasentela yona. Kodywa asivumi kutsi sifanelekile, kodywa senta ngekwelubito loluvela kuNkulunkulu. Siyakhuleka, Babe, kutsi Utosibumba kusihlwa sibe ngematje latokwenela eThempelini laNkulunkulu, ngekuBuya lokukhulu kweNkhosi Jesu eThempelini laYo. Siphe kona, Babe. Sitsetsele tsine toni ngeliphutsa letfu. Yembula kitsi Livi laKho. Sikhombise iNdlela yekuhamba. Sifundzise, O Babe Nkulunkulu. Kwangatsi singaYemukela. Futsi uma kuphambene neLivi, siyati kutsi nguthishela longakalungi. Moya loyiNgewe unguthishela wetfu. Wabhala Livi, futsi

Angeke afundzise lutfo kuphela nje Livi. Futsi siyakhuleka kutsi Utokwenta kubonakale kitsi kusihlwa, enhlitiywani yetfu. Siphe kona, Nkulunkulu.

¹⁸⁰ Manje tinhloko tetfu tikhotseme, emehlo etfu avaliwe. Umusa waNkulunkulu awuphumule etikwetfu, ngumkhuleko wami lotfobekile nalocotfo. Kholwani nje manje. Ningangabati.

¹⁸¹ Ngabe ukhona lasakhiwani, lengatiko kutsi ukhona, besilisa nebesifazane longamati Yena, longakaze awemukele uMhlatjelo waKhe lonketiwe, iNkholosi Jesu, njengeMsindzisi wakho na? AwuMati na? Ungahle ngekuhlakanipha ucabange kutsi uyamati. Kodvwa umuntfu angeke abone Nkulunkulu aze atalwe kabusha. Kubona akusho...Awuboni ngemehlo akho; uyabuka ngemehlo akho. Kubona ku “condza.” Ubuka kuLo ngco, bese utsi, “Angilibomi,” ucondze kutsi “awulicondzi.” Awuyuze wati kutsi sikhuluma ngani uze utalwe kabusha. Awukaze ubi nalololwati lwekutibonela na? Netinhloko tenu tikhotseme manje, nemehlo enu avaliwe, ungasiphakamisa sandla sakho, bese utsi, “Mnaketfu Branham, ngikhumbule emkhulekweni kusihlwa. Ngikhulwa kutsi semukela uMlayeto wetfu wekugcina. Usuku lushabalala ngekushesha. Futsi ngiyabona kutsi loko lokushito eBhayibhelini kuliciniso, ngoba ngilifundzile liBhayibheli. Ngiyakholwa kutsi sengilo li-awa kutsi sifanele site manje. Futsi, kimi, ngenta kuma kwami manje ngentela Khristu”?

¹⁸² Nkulunkulu akubusise. Nkulunkulu akubusise. Nkulunkulu akubusise. Nkulunkulu akubusise, wena. Kuhle. Etulu kuvulandi losesitezi, tandla! Phakamisa nje sandla sakho, utsi, “Kepha mine, njengoba Joshuwa ashо, ‘Kepha mine nendlu yami, sitoyikhonta iNkholosi.’” Kulungile, lomunye? Ngilindzile nje. Nkulunkulu akubusise emuva lapho. Ngiyasibona sandla sakho. Nkulunkulu akubusise etulu lapho. Nkulunkulu akubusise. Uyakubona. Etulu le kuvulandi losesitezi, Nkulunkulu akubusise etulu lapho, mnumzane; intfo lenkhulu kunato tonkhe lowake wayenta emphilweni yakho. Khona kanye kuvulandi losesitezi losekhatsi nendzawo, lotsite phakamisa sandla sakho ekhatsi lapho. Mhlawumbe angikaze ngibone sandla ekhatsi lapho, kungahle... Lotsite kulowovulandi losesitezi losekhatsi etulu ngenhla na? Phakamisa sandla sakho, futsi utsi, “Mnaketfu Branham, kepha mine, ngi... Ngifuna kuMkhonta. Ngi—ngicotfo.” Nkulunkulu akubusise. Nkulunkulu akubusise. Nkulunkulu ayibusise lendvodza lencane. Kuvulandi losesitezi ngesekudla, lotsite phakamisa sandla sakho lapho, futsi utsi, “Mnaketfu Branham, mine, kepha mine, ngiyati kutsi kunjalo. Ngi... Angimati Nkulunkulu, kodvwa ngifuna kuMati. Ngifuna kuciniseka. Ngiyabona kutsi angeke ngizame. Ngeke sengikhone kubuyela emuva futsi.”

¹⁸³ “Indlela sihlahla lesitjeke ngayo, nguleyondlela lesiwa ngayo,” umBhalo uyasho. Ungaweli eluhlangotsini lolusendleleni lengakalungi. Ungakulungisa kusihlwa. Khumbula, kuphela nje uma likhona liPhakadze, futsi alikaze licale futsi aliyuze liphele, kodvwa uba yincenye yalo, utohlupheka noma utophila ngenjabulo. Watikanjani kutsi utophila ute ufike ekhaya na?

Utsi, “Ngisemncane kabi.”

¹⁸⁴ Ngisandza kutfola nje umlayeto esikhashaneni lesendlulile. Lomunye dzadze losemncane esifundzeni sami, uvele wajika imigwaco kabi, wacala kubhema bosikilidi. Bekatjeliwe ngaNkulunkulu, kodvwa wangafuni kulalela. Iminyaka lelishumi nesitfupha budzala, bekaphuma kulakhe...cha, iminyaka lelishumi nesiphohlongo budzala, usandza kumphuma nje emfundvweni yasesikolweni lesiphakeme. Futsi watjelwa, atama kwenta lokulungile. Kodvwa wacala kuhamba nesicuku lesingakalungi, umbane wambulala khona lapho.

¹⁸⁵ Madvutane nje, indvodza lelikhalatsi eShreveport yasukuma futsi yatsi, “Ayikho intfo letsiba nguNkulunkulu.” Yahlambalata nje, yatsi, “Abasilutfo ngaphandle kwesicuku sebagiciki labangewe.” Umbane wayibulala. Bayitsatsa bayiyisa ethuneni. Futsi ngesikhatsi bangcwaba leyondvodza, nako kwenyuka lifu lelincane, futsi umbani washaya libhokisi futsi wayichumisa wayikhipa ebhokisini.

¹⁸⁶ Jehova Nkulunkulu uyatfukutsela. Ngiyati kutsi UNGuNkulunkulu lolungile, kodvwa UNGuNkulunkulu wekwehlulela, futsi. Usabuka, Uyati.

¹⁸⁷ Uma ungenaye Nkulunkulu, phakamisa sandla sakho, utsi, “Ngikhumbule, Mnaketfu Branham, lapho usakhuleka.” Nkulunkulu akubusise, dzadze. Nkulunkulu akubusise, ndvodzana. Kunjalo, wota ngo phambili. Nkulunkulu akubusise. Kunjalo, nsizwa. Nkulunkulu akubusise emuva lapho. Cela Nkulunkulu Somandla.

¹⁸⁸ Babe wetfu loseZulwini, manje Ubabonile. Uyati kubekhona tandla letingemashumi lamabili noma lamatsatfu letiphakamile, kutsi bafuna Wena njengeMsindzisi wabo. Nkulunkulu, siphe loku khona manje nje. Ngibanika leLivi. Washo, Wena lucobo kutsi, “Loyo lova Livi aMi.” Ngente lokuhle lokwendlula konkhe lebengingakwenta ngaLo, Nkhosi. “Loyo lova emaVi aMi futsi akholwe NguloNgitfumile, unekuPhila lokuPhakadze, futsi akasayi ekwahluelweni, kepha wendlulile ekufeni wangena ekuPhileni.” Intfo lemangalisa kanje pho, kucabanga loko! Uma tinhlitiyo leticotfo ngemuva kwaletotandla, tikucondze mbamba loko, lokutsite nje kwentekile. Manje Wena watsi, “Loyo loyoNgivuma embikwebantfu, Ngiyomvuma embikwaBabe waMi nasembikwetiNgelosi letingcwele.” Bente batu kutsi

Wena ulapha, Nkhosi. Ngiyakhuleka kutsi Utosipha kona. Sive. Sitinceku taKho, Nkhosi. EGameni laJesu.

¹⁸⁹ Kulungile, phakamisa inhloko yakho. Niyakholwa kutsi UnguJehova-Jayira na? [Libandla litsi, "Amen."—Umhl.] Niyakholwa kutsi sisetinsukwini njengoba kwakunjalo etinsukwini taLoti na? ["Amen."] Tinsuku taNowa na? ["Amen."] Niyawukhumbula uMlayeto wekugcina na?

¹⁹⁰ Ngabe ukhona umuntfu lapha lokukwekucala kubo? Phakamisa sandla sakho. Banengi! Ngiyacabanga kutsi uMnaketfu Borders sewunichazele. Nivile ngemhlangano ngaphambili, lokwentekile. Phakamisani tandla tenu, uma nivile; uma ningakaze nikubone, nikuvile nje. Kulungile. Manje ngisihambi kubantfu lapha.

¹⁹¹ Labanye benu bantfu labanenkhatsato, khulekani kuNkulunkulu, futsi nitsi, "Nkulunkulu, ngihawukele, ngiyagula. UMnaketfu Branham akangati. Kodvwa ngiyeva kutsi UngumPhristi loMkhulu wena longatsintfwa ngekuvelana nebutsaksaka betfu." Bangakhi lokwatiko loko na? [Libandla litsi, "Amen."—Umhl.] "Futsi Unguye itolo, namuhla, naphakadze." Niyawati loko na? ["Amen."] Yebo-ke, manje, uma AngumPhristi loMkhulu lofanako, Bekangatiphatsa kanjani uma uMtintsile na? Ngendlela lefanako Layenta lapho wesifazane lonemopho aMtintsile. Wagucuka futsi wamtjela kutsi umopho wawuyini, futsi wamtjela kutsi kukholwa kwakhe kwakumsindzisile. Ngabe kunjalo na? UNguye lofanako kusihlwa, uma ningaMkholwa ngendlela lefanako Bekangiyi ngalesosikhatsi. NiyaMkholwa ngaleyondlela na?

¹⁹² Manje buka ngalapha, kimi. Njengoba Phero naJohane basho eGedeni leLihle, "Sibuke." Loko kwakungesiko kutsi "babuke bona" kutfola nomayini, kodvwa, "buka loko lebebakusho."

¹⁹³ Asicale kusukela ngalapha ndzawanatsite. Buka ngalapha, futsi ukholwe ngayo yonkhe inhlitiyo yakho. Futsi utsi, "Nkhosi Jesu, ngiyaKukholwa, futsi ngifuna kutsinta sembatfo saKho. Khulumu kuMnaketfu Branham, futsi matise kutsi iyini inkhatsato yami. NgitoKukholwa uma Utokwenta." Bewungakwenta na?

¹⁹⁴ Manje nayi intfo lenjengaleyo na? Bekungaba yintfo lengakalungi ngami kwenta insayeya lenjalo. Ngike ngakuphonsela insayeya loko embikwebantu labayihhafu yesigidzi, ngasikhatsi sinye, ngingakhoni ngisho kukhuluma lulwimi lwabo. Kodvwa Akazange angentele phansi. Ngani na? Wakwetsembisa! Lolu tinsuku tekugcina, futsi Wakwetsembisa loku, futsi naku lapha.

¹⁹⁵ Ngiyati, bangani, nibe nalokunengi kutsi kunilimate. Nibe nalokunengi kulingisela kwenyama. Kodvwa nje ake ngisho intfo yinye kini, hhayi kwenzuzu yami, kodvwa kwenzuzu

yenu. Bahlala njalo banaloko. Kodvwa Nkulunkulu akakaze abe nalababili emhlabeni ngesikhatsi lesifanako, akakaze akwente. Kodvwa khumbulani nje, kunengi kulingisela, kodvwa kukhona Nkulunkulu sibili. Kukhona Moya loyiNgewe sibili. Kukhona uMlayeto sibili waNkulunkulu, futsi loko kutsi Jesu Khristu wafela toni, waphindza wavuka kulabafile, futsi sewubuyele emuva kuMuntfu waMoya loNgewe, kwenta umsebenti lofanako eBandleni lowo Lawenta ngesikhatsi Alapha.

¹⁹⁶ Manje, Livi laNkulunkulu alikusho loku na? KumaHebheru, Latsi, sahluko 4, liBhayibheli lasho kutsi, "Livi laNkulunkulu likhalipha kakhulu, linemandla kunenkemba lesika ngetinhlangotsi totimbili, lisika lehlukanise," lelisika kokubili lokutako nalokuhambako, "ngisho nasemnkantjeni welitsambo, futsi linguMhloli wemicabango netinhloso tenhlitiyo." Ngabe kunjalo na?

¹⁹⁷ Kungalesosizatfu Jesu bekangema ngaphambi kwetetsameli futsi atitjele. Labo baFarisi batsi, "UnguBhelzebule." Jesu wagucuka. Abazange bakhulumele etulu, kodvwa Wabatjela. Kungalesosizatfu Angamtjela lowesifazane ngendzaba yemopho wakhe. Watjela lowesifazane kutsi bekakadze anemadvodza; futsi ngesikhatsi sekakwentile loko, khona-ke Watsi. "Ngani, leso sibonakaliso saMesiya."

¹⁹⁸ Niyabona manje kubuya, kubonakala kwaMesiya emkhatsini webantfu. NguMoya loNgewe enta liBandla lilungele.

¹⁹⁹ Ngifuna nijikise inhloko yenu. Nibone lowo wesifazane lomncane alulekela ngalapho, aphakama emuva etulu, lohleti khona phansi lapha na? Niyakubona loko kuKhanya etikwakhe na? Uphetfwe ngumfutfo wengati lophakeme. Kunjalo. Ugcoke ingubo leluhlata-sasibhakabbaka, utsi kugcoka tibuko nje ebusweni bakhe. Kwemzuzwana wekugcina, noma lemibili, bekasolo eva lokungakejwayeleki sibili umuzwa lofutfumele ngakuye. Kunjalo. Manje umfutfo wakho wengati lophakeme, lobewukadze ukukhatsata kakhulu, sewusukile kuwe. Uyakwemukela? Phakamisa sandla sakho uma ukwemukela.

²⁰⁰ Utsintse ini na? UmPhristi loMkhulu. Manje hamba, ubute lodzadze. Angikaze ngimbone emphilweni yami. Angati ngisho nalokukodvwa ngalowesifazane; kodvwa, lelo liciniso. Bengicaphela loko kuKhanya ngesikhatsi Kuhamba kwendlula lesi tetsameli, kuhambe kwancamula ngco futsi kuyabuya, kuKhanya lokukhatimulako.

²⁰¹ Uyakholwa na? Sifo sematsambo, inkhatsato yesinye, tifo letilakanyene, kwetfuka, butsakatsaka. Kunjalo. Awusuye walapha. Indzawo lencane lebitwa ngeWest Point. Kunjalo. Uyakholwa kutsi Nkulunkulu angangitjela kutsi ungubani na? Nkst. Hardwick. Kunjalo. Uma kunjalo, sukuma

ume ngetinyawo takho. Sekusukile kuwe. Jesu Khristu uyakwelulamisa.

²⁰² Niyakhola na? [Libandla litsi, “Yebo.”—Umhl.] Bantfu babuka ngemuva, ngako. Naku kuhleti dzadze khona lapha. Bukani, loko kuKhanya kusasolo kubambile etikwakhe. Anikuboni Loko na? NaKu. Bukisisani.

²⁰³ NaKo, naleyondvodza lehleti khona lapho ingibuka. Sifo sematsambo. Ikhola ngayo yonkhe inhlitiyo yayo, Nkulunkulu utokusindzisa, mnumzane, nawe. Sitihambi lomunye kulomunye, kodvwa hhayi kuNkulunkulu.

²⁰⁴ Lodzadze emuva khona lapha, uphetfwe yinhloko. Nkulunkulu, ungavumeli kumgeje. O Nkulunkulu, ngiyacela. Nkhosatana Morton, kholwa yiNkhosi Jesu Khristu. Ikuphilisile kuloko kuphatfwa yinhloko. Niyabona, Bekangeke amvumele endlule. Ngifuna kukubuta lokutsite. Itolo ebusuku ngesikhatsi ngikhuluma kulotsite kulesakhiwo mayelana nekuphatfwa yinhloko kwabo, bewunekuva lokungakejwayeleki mbamba, futsi bewutibuta kutsi ngabe lowo bekunguwe, noma cha. Akunjalo yini loko? Phakamisa sandla sakho. Angifundzi yona ingcondvo yakho, kodvwa ngikutjela lobewukadze ukucabanga. Kunjalo. Namuhla Bekafuna kuciniseka kutsi bekunguwe. Kutosuka kuwe manje, kukholwa kwakho kukusindzisile. Haleluya.

²⁰⁵ Bukani lodzadze lohleti lapha, ugcoke ingubo lesikoshi. Unalo likhadi lekukhulekelwa, dzadze? Hlola lakho. Uyakhola kutsi lokudzabuka kutosuka, utawusindza na? Uyakhola na? Phakamisa sandla sakho uma kunguloko lokungakalungi ngawe. Kulungile. Kholwa ngayo yonkhe inhlitiyo yakho futsi upholiswe. Uyabona kutsi kuyini kimi na?

²⁰⁶ Lodzadze khona ngemuva kwakhe, uphakamise sandla sakhe, nalokuncane...cha, wesibili emuva lapho, logcoke ingubo lencane lebukeka iluhlata-satjani, uphetfwe yinkhatsato yenhliyi. Yebo. Uyakhola kutsi Nkulunkulu utokusindzisa na? Loko kuhle, kuhle kakulu. Utokwenta uma nje utokukholwa.

²⁰⁷ Dzadze, wesibili ngetulu kusuka kuwe, Nkk. Dillman lapho. Uma ukholwa kutsi Nkulunkulu utokuphilisa kuleyonkhatsato yesisu. Nkk. Dillman, kholwa, futsi utoba naso sisu sakho. Sisu lesiguliswa yimizwa. Sekube kuwe sikhatsi lesidze, ikakhulukati kusukela ube nekuyekela kuya esikhatsini. Ube netintfo letinengi lokukubangela inkhatsato lenengi, kodvwa sekuphelile manje. Uma letotintfo tiliciniso, vele nje ujikitise sandla sakho kubantu, kute batobona. Uma ngisihambi kuwe, chubeka ujikitise sandla sakho. Jesu Khristu uyakusindzisa.

²⁰⁸ Niyakhola na? [Libandla litsi, “Amen.”—Umhl.] Kuyini na? Jehova-Jayira, iNkhosi itibonela Yona uMhlatjelo! Manje

tetsameli tonkhe titsi kufiphala kimi. Jehova-Jayira unibonele uMhlatjelo wenu nonkhe. Niyakukholwa na?

²⁰⁹ Manje nine lapha leniphakamise sandla senu, yenyukelani lapha futsi nime lapha umzuzu nje. Nitokwenta na? Jehova-Jayira utinikete uMhlatjelo. Phakamisa sandla sakho, wena lokukholwako. Ubonile lapha, futsi uyati. Akunakwenteka.... Kuyintfo Letsite! Bukani labantfu laba, bangakhi lababitiwe. Angisati manje. Mhlawumbe labasikhombisa, labasiphohlongo noma labalishumi, noma ngabe bekuyini, lowo lobitiwe. Bekungasolo nje kuchubeka. Kodvwa ngisesenemandla, ngifuna nine nite, nemukele Khristu njengeMsindzisi wenu. Ungaphakama manje futsi ute, lapho sisahlabela, “Ngiyeta, Nkhosi, ngiyeta manje kuWe”? Ningaphakama manje futsi nikhuphukele lapha, nine leniphakamise sandla senu esikhashaneni lesendlulile na? Futsi nime nitungelete i-altari lapha, futsi nikhombise kutsi aninamahloni ngaKhristu. NiseBukhoneni baKhe. Wotani manje, futsi nifikaze kubantfu kutsi impela nisho loko mbamba, kutsi nifuna kukhunjulwa nguNkulunkulu, futsi niMemukele njengeMsindzisi wenu. Khuphukani manje, sonkhe sisasukuma futsi sihlabela.

Ngiyeta, Nkhosi!

Ngiyeta manje kuWe!

Ngigeze, ngihlante eNgatini

Leyageleta iphuma eKhalvari!

²¹⁰ Wotani niphume manje, wotani entasi lapha ngco. Sitokhuleka. Awuyuze usondzele kuYe uma uhamba usuka.

Ngiyeta manje kuWe!

Ngigeze, ngihlante!

²¹¹ Yehlani ngco niphume kuvulandi losesitezi. Kunjalo. Wota ngco phansi, mani khona lapha. Bani yi... Manje, Watsi, “Uma niyoNgivuma embikwebantfu, lowo ngiyomvuma embikwaBabe waMi. Kopha uma unemahloni ngaMi, Ngiyoba nemahlomi ngawe,” khumbulani, liBhayibheli, kusukela kuGenesisi kuye ngale eSambulweni. Wotani manje, labasha nalabadzala. Nitokuta na? Lunga lelibandla, noma awusilo, wota manje. Utokuta na? Yemukela Khristu loku nje useseBukhoneni baKhe.

Ngiyeta, Nkhosi!

Ngiyeta manje kuWe!

Ngigeze, ngihlante eNgatini

Leyageleta iphuma eKhalvari!

²¹² Chubekani nje, nihlabela. [UMnaketfu Branham ucala kuhamisha, “Ngiyeta, Nkhosi.”—Umhl.]

²¹³ Lalelani. Niyangikhola kutsi ngingumprofethi waKhe na? Angikaze ngikuvume loko phambilini. Ngiyakhola ngime nebantfu labacondzako nalabatiko lengitama kukutfolo kini. Kunebantfu ekhatsi lapha labatisho buKhristu, bafanele babe khona lapha. Wota, angeke yini na? Ake niginibute, niyoke

kanjani na? Aniyuze nemukele lesinye sibonakaliso. Lesi Ngiso. ISHO KANJE INKHOSI. Umprofethi waNkulunkulu angake ente sitatimende lesinjalo uma bekungesilo liciniso na? Nemukela sibonakaliso senu lesikhulu kunato tonkhe, futsi sibonakaliso senu sekugcina, ngaphambi kwekubonakala kwaKhristu. Wotani! Sizatfu ngisho letintfo leti, angikaze ngikusho loku kunanoma ngumuphi lomunye umhlangano, ngiva kutsi khona lapha litfuba lapha lentfo letsite kutsi yenteke. Kungako ngikusho ngendlela lengikusho ngayo. Ngiyakhola niyacondza. Beningeke nihambe nitungelete, nente luhlobo lolutsite lwenkholo-ze, nitsi, "UMnaketfu Branham ungunkulunkulu," noma intfo letsite lefana naloko. Niyakucondza lelengikhuluma ngako. Wotani manje. Wotani. Ake nginginobonise, eGameni laKhristu. Wotani!

²¹⁴ Nine leningati kutsi nime kuphi, animasiciniseko ngako, kuhlakanipha nje, noma luhlobo lolutsite lwelidlingozi; ukhalile, walila, noma be—bewuneluhlobo lolutsite lwemuzwa. Ungatami kufinyelela Lapho ngaloko. Khumbula, ngiyakutjela eGameni leNkhosi, kutsi ulahlekile, ulahlekile kalusizi, futsi awukwati. Ungazami, mngani. Ngihlanyela imbewu kuphela, futsi ngidvonsa inethi. Nkulunkulu utsatsa kwandza. Angati.

²¹⁵ Asikhotsamise tinhloko tetfu, sibone uma Angeke angitjele. [Lomunye dzadze ukhulumma ngalolunye lwetilimi, wase-ke uniketa lihumusho—Umhl.] Niyakuva loko.

Ngiyeta manje kuWe! (Hlola inhlitiyo yakho)
Ngigeze, ngihlante ku...

²¹⁶ Lunga lelibandla. Kube bengime lapho, futsi nje kuphela nginelwati lwekujoyina lisontfo...?...Bengingenta indlela yami lapha ngalokukhulu kushesha lengingawkwenta.

²¹⁷ Khumbulani, uMoya uniketa bufakazi kutsi sisekupheleni. Isayensi itsite, "Kusele imizuzu lemitsatfu ngaphambi kwalamabili." UMLayeto neliBhayibheli kutsi, "Naku, intfo yekugcina!" Imvuselelo seyiaphela. Umnyango sewuyavalwa. Utawuba ngephandle, unconcotsa, futsi ungakhoni kungena. Wotani!

Nkulunkulu akubusise, dzadze lomncane. Manje, nikubonile loko na?

Ngiyeta, Nkhosi!
Ngiyeta manje...

²¹⁸ Nkulunkulu akubusise. Kunjalo, mnumzane. Nguleyondlela, yehlani ngco kuvulandi losesitezi. Beta ngemalayini.

²¹⁹ Nali Livi, nabu bufakazi lobubonakalako. Nankho uMoya, nango fakazi. Futsi lapha bantfu bayeta, kukhombisa kutsi silapha esikhatsini sekugcina.

Ngiyeta, Nkhosi!
 Ngiyeta manje kuWe!
 Ngigeze, ngihlante eNgatini
 Legeleta iphuma eKhalvari.

Ngiyeta, Nkhosi!

²²⁰ Silindzile, sisabita labanye bangene. “Angatsandzi kutsi kubhubhe namunye; bonkhe bete ekuphendvukeni.” “Wotani,” watsi, “kiMi.”

²²¹ Uma bewunekungabata engcondvweni yakho. Nifanele nyciniseke, bangani. Kukholwa kuphelele.

. . . kuphuma eKhalvari!
 . . . Nkhosi!
 Ngiyeta manje ku . . .

²²² Labanye, bantfu labangemashumi lasihlanu kuya emashumini lasikhombisa nesihlanu babutsane ndzawonye. Manje wota. Vumela bonkhe lofanele ete. Sibambile nje sikhashana manje. Sizatfu, kusasa kutoba kophilisa kwaNkulunkulu. Moya loyiNgcwele ukhulumile kimi, esikhashaneni lesendlulile, “Ungalibiti lelolayini. Bitela e-altari.” NgitoMlalela futsi ngente njengoba Angitjela. Ngati kancono kunekungakwenti.

Ngiyeta manje kuWe!
 Ngigeze, ngihlante eNgatini
 Leyageleta iphuma eKhalvari.

Tinhloko tetfu tikhotseme manje, njengoba silindzile.

²²³ O Nkulunkulu, vumela Moya loyiNgcwele angene ngekhatsi kulaba. Labo labafuna kukhuphukela ngembili e-altari, uholela bantfu manje esibusisweni. Futsi—futsi kwangatsi iNkhosi Nkulunkulu ingasipha kona. UMoya waNkulunkulu, ukhuluma.

²²⁴ Ngenani ngekhatsi, ngenani ngekhatsi. Sondzelani manje, nonkhe. “Wonkhe umphefumulo, wesono sicindzetelwe, kukhona umusa kanye neNkhosi.” Wotani manje. “Ngenani ngaphansi kwesikhukhula lesihlantako, kusuka onkhe emabala ato esono. Kukhona uMtfonbo logewaliswe ngeNgati, lemunywe emitsanjeni ya-Imanuweli.” Ngenhloniphoyekutitfoba.

²²⁵ Niyakuva loko kuthula etikwalomhlangano manje na? Kuyini na? Kukufa, kufa etonini. Manje tisebenti leticondzene nemuntfu ngenani nitungelete kanye nabo manje. Kufa, labantfu laba bayafa. EmaBhayibheli aphumile, ayachaza. Kufa kuchubeka kutungeleta li-altari, nekuPhila lokusha kutofika emvakwekufa.

KuneMtfonbo logewaliswe ngeNgati,
 Lemunywe e . . .

O, uyofuna kanjani kuva loko ngalolunye lusuku, lusuku lapho umtsambo wakho uyekela kushaya!

Netoni tabhukusha ngaphansi
 kwalesosikhukhula,
 Kusuka onkhe emabala ato elicala.
 Kusuka onkhe emabala ato elicala,

Nguloko-ke, mfo losemncane. Ayibusiswe inhlitiyo yakho.
 Nguloko Lakulindzile.

Netoni tabhukusha ngaphansi
 kwalesosikhukhula,
 Kusuka onkhe emabala ato elicala.

²²⁶ Manje akutsi emaKhristu layaliwe, akhuphuke sisahlabela lelivesi lelilandzelako. “Lisela lelifako latfokota kubona lowo Mtgombo elusukwini lwalo; kwangatsi lapho mine, ngimubi njengalo, ngigeze tonkhe tono tami.” Akutsi bantfu labayalako manje bakhuphuke basondzele. Wena longenawo umbhabhatiso waMoya loNgcwele, khuphuka usondzele manje. Awukwati Nkulunkulu langahle akwente manje emzuzwini. Khuphuka manje, ngesikhatsi sisahlabela lelivesi lelilandzelako manje.

Lisela lebelifa latfokota . . . (Livi lelentiwe
 labonakaliswa)
 Umtfombo elusukwini lwakhe;

O, kulungile, phumanu ngco manje. Wotani eManti asatanyatanyiswa.

. . . Mine, futsi ngimubi njengalo,
 Ngigeze kusuke tonkhe tono tami.
 Ngigeze kusuke tonkhe tono tami,
 Ngigeze kusuke tonkhe tono tami;

²²⁷ Nguloko-ke, tisebenti. Ngenani ngekhatsi ngco. Bonkhe labo khuphukani ngesitebhisi manje kwekutanyatanyiswa kweManti. Yenyukani ngco.

. . . ngimubi njengalo,
 Ngigeze kusuke sonkhe sono sami.

²²⁸ Manje nine lenifuna kukhuleka, khuphukani nisondzele manje futsi nitilungiselele. Sitokholwa kutsi Nkulunkulu uto, kucondza loku. Utofanale! Yena kanye Nkulunkulu longehlulela umcabango wenhliyi! Khumbula, Jesu wakwenta loko kuphela edolobheni. Kodvwa Watsi, “Lokunengi kunaloku niyo, kwenta.” Niyabona, kwafakazela kutsi umBhalo waKhe ucinisile! Ngenani manje. Asikhulekele labantfu laba manje lolapha. Wonkhe umuntfu lowatiko kutsi kukhulekwa kanjani. Mangakhi emaKhristu latelwe kabusha kulesakhiwo? Phakamisa sandla sakho. Manje akutsi bonkhe labaphakamise tandla tetfu futsi babongele labantfu laba.

²²⁹ Babe wetfu loseZulwini, sinikela kubonga kuWe ngalabantfu laba. BangebaKho. Bayeta, kwenta kuvuma. Bafikela kutofa kubo lucobo netono. Babuyela emuva, tidalwa letinsha kuKhristu.

²³⁰ Sathane, wehluliwe kulemphi! Nkulunkulu unguJehova-Jayira! INkhosi inikete umHlatjelo, waniketa bantfu, waniketa kubitela e-altari, waniketa uMlayeto, waniketa umusa. Futsi naSathane sewehluliwe kulemphi, eGameni laJesu Khristu wehluliwe kulemphi!



JEHOVA-JAYIRA ³ SSW62-0707
(Jehovah-Jireh ³)

LoMlayeto ngeMnaketfu William Marrion Branham, kwekucala wetfulwa ngesiNgisi ngeMgcibelo kusihlw, ngenyanga yaKhlowane 7, 1962, eHholeni lenkhulu yaMaspala eGrass Valley, eCalifornia, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa neSiSwati kwakhicitwa kwakhishwa yiVoice Of God Recordings.

SWATI

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org